



84



詩觀二集二卷目錄

梁清標

王崇簡

李震

馮

魏裔介

趙開心

金鎮

汪懋麟

徐乾學

何天寵

張琴

魏勳

朱德宜

葉映榴

繆彤

胡在恪

董舍

黃雲

程守

黃傳祖

王清

王爾梅

趙嶷

崔肇

程端德

程瑞禴





詩觀二集卷之二

東吳鄧漢儀孝威評選

雒城仲之琮蒼壁重輯

梁清標

玉立蒼巖直隸真定人使粵近詩

發雄州

晨出賓陽門水氣滿巷陌故吏擁道周頭鬚看盡白孤亭立  
 豐碑上勒先子迹城郭飽戰烽僅留一片石垂及五十年表  
 章益烜赫停車數徘徊泫然感今昔父老携杖觀相顧聲噴  
 噴樽酒煩故人持觴勞歸客簷霽雨廉纖春泥深徑尺昔遊  
 詎忍忘鄉心苦已迫漠漠嶺上雲矯矯空中翻河梁草色青  
 振袂風烟隔珍重謝耆舊久要願無斁前路笳鼓鳴回首黯

情真之語



魂魄乘傳蠻鄉追思先烈正  
自少此一段文字不得

上灘行

曉起酸風來石竇驚灘急峽江波溜白口陰霾山鬼吟飛流  
噴沫魚龍鬪崩崖摩雲勢欲吞蒼烟罨壁苔痕繡荒城昨夜  
催灘夫沿村比屋群吏呼鶉衣百結亦人子倉皇追捉如逃  
逋冥濛天黑帆盡溼縣令雨立衝泥途令言城空居人少屯  
官降卒衆相勦歲收租稅令不行田家半菽何曾飽供繁役  
重支柱艱簿書期會皆草草西江貧瘠昔所嗟况復豺虎恣  
攫拏空巖哀狄啼夜月窮鄉密箐盤虺蛇舟行轉側類毛羽  
峻嶒湧地根槎牙此等心腸真是大我來鼓枻三嘆息長年爭叫風颿色民勞  
驛殫恤未能浮家泛宅境轉偏白首江湖徒爾爲坐老孤村

計亦得

丙申同合泥過此沿途縣令無有不攢眉出涕力  
訴地方之窮若者今生聚近二十年尚復如此讀

此輒爲  
三歎

登觀音巖

先人曾登觀音巖予今曉過停征帆懸厓俯縮臨洞壑凌空  
結構何巉巖千尺石幢垂碧乳萬條蘿薜纏青杉神力何年  
立鰲極削壁界破蒼天色盤登斜通蓮炬紅法雲倒湧琳宮  
黑蜃窟陰森鬼斧開丹樓窈窕星辰逼慈悲妙相翠微中芙  
蓉作龕追琢窮龍抱珠光翻海月潮隨梵響來天風層巒對  
峙列几案烏啼猿嘯烟冥濛振衣仄徑攀援上江山歷歷客  
愁放晨鐘暮鼓變寒暄石轉灘迴迷背向我來萬里幽篔探  
豈謂茲巖吐奇創昔聞過庭語夢寐四十年山靈尚無恙陟



險疑有緣嶺南俶詭此地偏輕身挾羽如飛仙黃塵萬斛銷  
欲盡花雨晴嵐滿画舫  
此巖壁立萬仞而中有層窟晝燃燈火俯視官舟真如一葉海清觀

也此詩形容可謂盡致

梅心驛

寂寥巖下宿宵柝起巖更驛火明還滅繩床臥復驚劫寒山  
○涼○涼○畏○人○  
鬼泣燭暗虎風生排馬凌晨發烟江是皖城  
山鬼吹燈滅是此時光景

登小孤山謁天妃祠用壁間李中丞韵

杳靄江天濶孤峰障泱流烟鬟神女祀鐵柱海門秋飛閣鳴  
○欲○飛○  
鼉鼓仙飈送客舟山川吳楚會登陟散羈愁  
○此○采○

遊湖口石鐘山次壁間韻

怪石臨無地凌空叠亂峰江聲晴到閣巖響夜聞鐘禪定看  
○鐘○鑄○得○好○

馴鶴雲根起螿龍遙青五老出憑檻盪塵胸  
○次○第○

列炬探幽處晨爲洞壑留捫蘿尋斷碣倚杖瞰飛流漫滅蒼  
○好○

山字蒼茫碧漢遊莫言彭蠡濶絕壁小滄洲  
○有○此○二○詩○可○謂○不○負○石○鐘○

過臨江郡以種柑爲利

百丈牽江步荒城問俗請民生消白羽歲計飽黃柑潮落鼉  
○實○錄○  
痕出樟陰雨氣含窮年如泛宅日月老寒潭  
○警○秀○  
孟津詩有其雄無其穩

峽江雨中

亂喋臨厓出濤痕半未消檣燈搖霧影埃火散山椒峽東江  
○語○無○虛○設○  
如線篷驚雨似潮酒洗人欲倦天人可憐宵

晚晴至吉水

湍急村墟暝城孤睥睨昏雨帆朝過峽霽嶺翠當門霧斂江  
○好○  
○傑○甚○



山○小○天○空○虎○豹○尊○古○來○文○獻○邑○凋○謝○復○誰○論○

彈子磯

當○年○誰○挾○彈○遙○破○碧○苔○痕○掛○月○猿○聲○苦○鳴○瀧○石○氣○尊○草○花○鋪○  
繡○壁○水○雪○壓○天○門○落○日○奔○湍○黑○蕭○然○斷○旅○魂○  
粵山多怪而此磯最雄詩

亦稱之

過湓陽

湓○陽○山○水○色○瞻○萬○海○雲○橫○鳴○礮○嚴○江○戍○飛○花○繞○客○旌○雙○巖○泉○  
石○峽○萬○壘○尉○陀○城○安○得○窮○幽○處○翩翩躡屨輕○  
秀處典處皆能踞勝

峽山

海潮至此一宿而還又名宿峽亦名漂幡嶺

層○鐵○參○差○出○雙○厓○駐○夕○暉○天○雷○江○路○細○石○蹴○浪○花○飛○赴○海○潮○  
中○宿○吟○猿○夜○自○歸○佛○樓○多○歲○月○幡○影○掛○岩○扉○

對○擁○千○峰○斷○中○流○一○水○長○僧○居○團○竹○柵○虎○氣○暗○枕○柳○虛○閣○崩○  
雲○立○飛○泉○挂○幔○涼○古○今○沉○戰○伐○何○地○問○蕭○梁○  
此最粵江奇勝處二詩寫

盡得曲

將抵南海

紆○折○程○難○計○聞○鉦○識○水○郵○繚○垣○螺○蚌○甲○代○絮○木○棉○裘○潮○逐○崩○  
厓○落○帆○隨○曉○月○流○忽○驚○開○嶺○桂○疑○是○故○鄉○秋○

薄○暮○乘○潮○去○何○由○問○水○經○挂○岩○星○歷○歷○衝○棹○浪○冥○冥○岫○澗○橋○  
燈○亂○窗○昏○海○氣○腥○嶺○程○今○過○盡○殘○臘○換○仙○萸○  
殊方風俗寫得荒落盡情

雨中束裝

天○入○輕○帆○夢○心○生○故○國○春○蠻○花○縈○客○舫○海○雨○送○歸○人○影○較○征○  
鴻○早○愁○增○燧○火○新○瘴○鄉○身○一○葉○頭○白○飽○風○塵○  
輕逸



雨過峽山

江路陰陰合花香細細生兩幡開急峽二月聽新鶯涼雨炎  
蒸失春帆客慮輕山僧如故舊茶筍慰歸程  
想其北歸  
懷抱極好

雨中過嶺

飛來曾掛角天半有僧棲蒼鼠穿厓過春禽送客啼嶺蟠諸  
粵盡雲壓萬峰低冒雨忘危磴心懸貢水西  
昔年花朝度  
度嶺亦在雨

中讀司農詩搖  
搖輒憶舊遊也

渡黃河

滾滾河流古岸長水神祠廟枕斜陽來從天上分疆域曲向  
中原接混茫風閃驛燈寒過雁路沿堤柳夜多霜吹臺欲問  
繁華地鷓首飛帆入大梁  
蒼莽蕭瑟  
此詩兼有

拜張許六王祠

歸德古  
睢陽

名城喋血共安危道左飛塵剩古祠六矢當年知號令千秋  
為厲見旌旗江淮力障孤軍日睥睨風生苦戰時每讀昌黎  
書傳後傷心南八是男兒  
逆寫往烈英氣如  
生應有啾啾鬼泣

包龍圖祠

孝肅祠堂劔珮閒香花墩畔聽潺湲嚴霜落後瞻遺像濁水  
澄時見笑顏異代姓名童語習中宵風雨鶴飛還古今此地  
無關節白日孤城冷蜀山  
川故事能以已意  
行之自爾超卓

舟過潯陽

潯陽瑟瑟石苔斑今古柴桑歲月閒蓮社籃輿陶令酒煙扉  
屐齒謝公山舟停溢浦衫應溼虎嘯溪橋客獨還此地江聲



分九派何堪矯首憶鄉關

用事善于脫化  
遂爾亭亭濯濯

彭蠡湖

彭蠡湖邊落照低大孤山下草萋萋烟巒廬嶽新飛瀑廟貌  
○語○有○史○識○  
康郎舊鼓擊皎月影翻鴻鴈陣黃蘆寒聽鷓鴣啼雲帆一片  
風催客何處東林問虎溪  
全詩秀令而中有  
不磨處以其識高

雪夜諸君召飲再登滕王閣

江城飛檻倚雲尊詞賦千年劫火存画舸人來尋舊夢珠簾  
燕去冷王門鼓笳風捲青油幕吳楚天開幕雪樽子野聞歌  
愁轉劇烟波萬里柁樓昏  
予少時  
會登  
情事寫  
得斐亶

旌陽萬壽宮

宮燬今  
又修復

靜明宮殿鬱岌峩鐵柱難從一炬銷波立蛟龍孤劍盡月臨  
○聲○勢○震○動○

鐘鼓百靈朝雲霄絳節餘兵火今古青山鎖寂寥冲舉當年

仙侶去不堪重問舊江湖

比于少陵玉  
臺觀之作

過東湖

東湖烟水畫冥冥湖上孤標孺子亭百戰僅存高蹈地千秋  
獨著少微星灌園翁去空書幣下榻風流識典型寂寞經過  
人○不○見○章○門○雨○雪○一○燈○青  
清踈澹老以予  
孺子差為不負

廬陵小泊

章貢天開白鷺洲山城水市半沉浮孤懸塔影搖沙舸晴捲  
江聲入郡樓舊德門荒祠草暗戰場人老講堂秋憑闌白首  
餘雙淚螺子蒼烟縮客愁  
廬陵兵火之後荒殘  
不堪把此輒深太息

儲潭讌集



潭上荒臺埃火紅牙旗獵獵捲簾櫳香分橘柚清樽裏雨漲  
笙歌晚喚中廢壁沉雲開戰壘橫江層鐵鎖蛟宮霜青油幕  
稱雄鎮刁斗聲傳萬壑風  
此為虔州迎餞之所過此則十  
八灘矣連年兵革之餘江山如

故撫此不  
勝感愾

### 度大庾嶺

噴、阮、萬、仞、劃、天、開、曲、似、離、腸、日、九、迴、雲、沒、危、峯、盤、磴、出、翠、含、  
春、色、瘴、江、來、嶺、門、對、擁、嶺、山、寺、鳥、徑、斜、穿、吐、驛、梅、刊、鑿、辛、勤、  
煩、相、國、千、年、猶、說、五、丁、才、  
司農之詩妙于秀艷之中特露  
警拔如此詩人知其風華獨擅

矣而不知其  
字字真的

### 歸舟漫興

牙檣北逐鴈鴻群人去紅亭倚夕曛五岳芒鞋生壯色四山

花氣漲春雲蠻方瘴癘和愁散客路風烟度嶺分十載江湖  
銷戰伐戈船此日又移軍  
老臣憂國不得不言及此豈  
得漫以烟雲花月之句了之

### 舟中寄懷汪蛟門

客來嶺表路間關知爾麻衣淚欲斑同調每思千里駕春帆  
早過二梁山鄂君繡被愁烟冷陸績輕舟有石還惆悵觀濤

虛舊約何時剪燭破塵顏  
時公欲過廣陵以王  
程甚迫取道滁陽

去日新詩贈遠行珠官回首幾含情五溪又畏南征甲一客  
方依丙舍耕青草瘴中全病骨白鷗汀畔望蕪城歸裝不及

汪倫別愁聽江頭杜宇聲  
蛟門每為予言司農情深吐握  
尤喜與草茅之士唱予和女固

吾黨所共瞻仰也讀二  
作情詞婉戀足見一斑

完工且風得見家書



潭上荒臺埃火紅牙旗獵獵捲簾櫳香分橘柚清樽裏雨漲  
笙歌晚嶼中廢壁沉雲開戰壘橫江層鐵鎖蛟宮霜青油幕  
稱雄鎮刁斗聲傳萬壑風  
此為虔州迎餞之所過此則十  
八灘矣連年兵革之餘江山如

故撫此不  
勝感佩

### 度大庾嶺

噴、吮、萬、仞、劃、天、開、曲、似、離、腸、日、九、迴、雲、沒、危、峯、盤、磴、出、翠、含、  
春、色、瘴、江、來、嶺、門、對、擁、銜、山、寺、鳥、徑、斜、穿、吐、驛、梅、刊、鑿、辛、勤、  
煩、相、國、千、年、猶、說、五、丁、才、  
司農之詩妙于秀艷之中特露  
警振如此詩人知其風華獨擅

矣而不知其  
字字真的

### 歸舟漫興

牙檣北逐鴈鴻群人去紅亭倚夕曛五岳芒鞋生壯色四山

花氣漲春雲蠻方瘴癘和愁散客路風烟度嶺分十載江湖  
銷戰伐戈船此日又移軍  
老臣憂國不得不言及此豈  
得漫以烟雲花月之句了之

### 舟中寄懷汪蛟門

客來嶺表路間關知爾麻衣淚欲斑同調每思千里駕春帆  
早過二梁山鄂君繡被愁烟冷陸績輕舟有石還惆悵觀濤

虛舊約何時剪燭破塵顏  
時公欲過廣陵以王  
程甚迫取道滁陽

去日新詩贈遠行珠官回首幾含情五溪又畏南征甲一客  
方依丙舍耕青草瘴中全病骨白鷗汀畔望蕪城歸裝不及

汪倫別愁聽江頭杜宇聲  
蛟門每為予言司農情深吐握  
尤喜與草茅之士唱予和女固

吾黨所共瞻仰也讀二  
作情詞婉戀足見一班

### 皖江阻風得見家書



一江風雨滯歸期。誰把純鈎理亂絲。綺閣落花埋錦瑟。津亭飛鳥避旌旗。白頭浪裏春愁晚。丹鳳城邊字到遲。何處林香多醉客。高眠閒煞里中兒。

人知公擁節南游以為榮適而不知懷抱有難遣者閒羨里中

見固非 証語

### 采石磯

千年牛渚草蕭蕭。供奉風流自不遙。被酒尚留明月影。燃犀誰照暮春潮。菰蘆烟火連三楚。金粉江山過六朝。細雨鳴榔嗟往事。謫仙樓在客難招。

詩思清韶正 與江山映發

### 豐樂亭

林霏開處古亭尊。萬壑千峰赴郡門。文螭弄晴風落果。黃鸝懶轉展留痕。櫻桃樹底前賢碣。流水聲中太守樽。自昔南譙

多戰伐。烟霞歷歷到今存。

關山 周師破皇 甫暉處

山入淮南多壯色。陰厓絕壑起樓臺。當年金甲啣枚。苾鞋拄杖來石磴。中分雙壁斷天門。誰鑿一丸開清。漸漸水戰地。於今半草萊。

可勝折戟 沈沙之感

### 過商丘

鬱鬱新槐原上村。野農趨市趁朝暾。採桑紅女蚕眠箔。催賦青苗吏在門。巡遠尚聞遺戰壘。鄒枚誰復吊吟魂。兔園依舊。蘼蕪綠寂莫。梁王好客樽。

每于結處有繚繞餘音 他人未免情枯才竭

### 大梁懷古

前驅鼓角戍樓晴。萬井烟花古汴城。執轡市中游俠地。銜杯



臺畔濁河聲。玉津園廢蛙鳴晚。艮嶽雲埋草色平。零落憲王新樂府。夜深誰炙紫鸞笙。  
極蕭瑟極風流。此是才人絕唱。

清溪道中

送流上急灘。春風剪江水。半嶺鎖寒烟。猿嘯白雲裏。  
好。客懷正蕭森。春草生江浦。袖深清溪雲。帆載南華雨。  
嶺南多雨。

經春尤甚詩中。寫出蕭涼真景。

栢鄉道中拜漢光武祠。  
舊傳斬石人處。

千年石像臥蒿萊。舊鬼啾啾雨夜哀。莫恠蕭王多瑞應。曾聞龍準斬蛇來。  
語有光焰。

太平橋

當年城下水雲饒。競渡中流綵袖招。今日再來歌板欲斜風。

細雨太平橋

亦自小滄桑。

元夕

油幕春開玳瑁筵。魚龍角觝動蠻天。嫖姚雅擅軍中樂。吹碎鄉心玉篴前。  
自是嶺外人語。

弄珠駟僮舞婆娑。估舶帆檣滿內河。見說市樓陳百寶。裝成春色海南多。  
廣州繁盛自昔所稱。今猶不減耶。

花田多種素馨。粵女穿花飾髻。昔人有風流惱陸郎之句。今名白蜺殼。數欲往遊未果。

白蜺花田換舊名。金羈玉勒田郊行。鷓鴣林裏風蕭寂。誰貫香鬟惱陸生。  
曩時士女春游多從海珠寺放舟至。花田言南粵宮人塋處。其花多異香。

重遊南雄郡署



水廊已廢綠蕉稀。積雨苔青上客衣。前度劉郎能識否。一般定本  
燕子入簾飛。今昔之感  
令人情動

韻江歸舟

一舫簫鼓帶潮回。昨日京華有馬來。不道客心方歷亂。媚人  
江路野棠開。苦語  
殊韻

過星渚

蠻牋茶具對春閒。共識星槎海上還。入耳江聲僧磬出。故人  
今是石鐘山。非情深山水  
不能作此語

過項王祠

風吹劍珮冷江湄。猶憶英雄失路時。欲薦藻蘋舟已遠。牧兒  
橫篴項王祠。淺語令人  
神傷殊甚

雨村

數聲鳩婦雨濛濛。竹塢山桃寂莫紅。何事飛花偏惱客。春光  
半減亂流中。偏覺  
有致

望潛山

皖山天柱鬱嵒崑。江左風流大小喬。霸氣銷沉人不見。碧烟  
如黛鎖春潮。二喬  
故居  
偏為二喬  
有此傷感

江浦道中

柳塘春水弄新晴。花草金陵促去程。雙袖染來青嶂色。六朝  
送盡暮江聲。公生長燕趙而所為詩最秀麗明倩如吳  
越間人似此與懷六朝居然過江風調

三月三十日宿州旅中

鶯花三月太匆匆。客裏相看驛燭紅。一夕東風雷不得。萬條



飛絮暮烟中

唐人送春詩  
少此風艷

中山道中

綠滿中山雨氣新。曉涼颯浣客衣塵。往來最愛垂楊路。又聽黃鵬喚遠人。

最字又字中  
藏無限風情

汪懋麟曰吾師生長京國早登上鄉凡所撰著皆廟堂雅頌之音山川登陟之作蓋少也頃奉使萬里往來半歲得詩四百餘首探幽抉奧競秀爭妍如康樂之遊江東少陵之入西蜀山川勝攬盡在斯矣因與孝威亟登卷首用布鷄林俾天下文上不得專以遊跡傲我夔龍也惜畏于選帙不能盡載尚謀尚梓以顯全豹

王崇簡

敬哉直隸宛平人  
青箱堂未刻詩

贈陸翰隱翼王

陸子端雅人。妙心何靜朗。邁跡凌風塵。托物寄幽賞。吳粵初識面。萍水慰傾仰。艱難一別後。此事已成往。歲月方悠悠。山處各沈沈。

在昔嘒上遊。飄泊若浮梗。錢黃與王子。顧我心耿耿。黃口攜家來。相與息形影。非徒喜避地。得友可警省。君曰此吾師。意氣如日炳。既聞黃陶菴。千古在俄頃。與君話疇昔。淚洒西風冷。

此詞今人  
久不彈

吾既慚用拙。多君素嶙峋。條然來京華。慘澹向時人。相逢如夢寐。酌酒相苦辛。爛熳經術業。沉靜語默真。獨歌繼騷雅。無



累清心神時抱籬下與惟菊為相親

三十年前避地故人誰復相留連者惟公

古道顏  
顏色

癸丑四月六日錢飲光毛子霞陸翼王陳胤倩馬又輝

計甫草嚴蓀友朱錫鬯小飲豐臺芍藥圃是日顧寧人

有山東之役未及約

樂郊芳草徑回互西南去是豐臺路綠柳依依隨陂陀溪田  
遠近立白鷺瞥地驚若到江南草橋茅屋隔深樹四月芍藥  
花正繁我有十畝恰盈圃招招我友坐空亭韶華過眼愁難  
住飛觴倒壘勸君飲可惜眼前花似錦媽紅縞白解向人姍  
娜却能各為品珍重花光奈若何何妨醉向花前枕萬柳園  
曾說昔人烟飛雲散如轉瞬古人不往今何來古今常態何

忽入感慨

足慄翩翩意氣發當筵雄談雅論仰高天白首朱顏莫相笑

誰是老人誰少年倚徙香風襲襟袖沉酣萬片落霞邊逸韻

高調競寡和日斜猶自為畱連○借○顧○作○一○轉○掉○筆○勢○如○游○

有客適向山東去群彥合坐豈偶然○龍○之○天○矯○

後二日兒熙治具約朱肴山俞彙嘉許元方周光福趙

澹園表弟張涵初壻張左人孫喬瞻孫壻章元伯四弟

毅菴兒慙然照燕默姪燾孫克善姪孫克忠飲芍藥圃

放歌

豐臺芍藥競芳晨一雨鎮日愁殺人朝來恰喜當初霽妍光

艷影別樣新移樽隔夜相招呼弟兄子孫偕至親更有朋輩

多逸興揚鞭偏不顧泥濘看山老人坦懷多彙嘉俞子復超



勝樸橄真率周與許澹園公子何凝定好花旨酒值良友左  
○就○目○前○感○慨○一○番○  
 勸在酬杯在手試看前日圃間花今日好者是前否眼中百  
○又○將○往○事○感○慨○一○番○  
 事率如此誰是千秋真不朽遂初堂翫芳亭廉公萬柳昔青  
○又○呼○轉○  
 青數百年來跡湮滅空餘白日照烟汀獨有黃鸝聲似舊共  
 君好向醉中聽  
尋常看花之集却說出多少滄桑之感  
 今日詩人無此性情那能有此筆墨

壬子三月偕朱荔裳香山看杏花宿來青軒歷退谷玉

泉歸憇興勝寺別墅限韻

○選○句○足○入○仙○品○

嘉遊偕勝友春靄望矇矓山色流雲上花光欲雨中鳥閒驕  
 倦客泉細解懸風信步歸來晚村燈幾點紅  
 峯嵐互出沒曳杖入高烟窈窕雲無定黃昏花逾妍春泉漱  
 白石佛火映青蓮憶昔偕遊日于今二十年  
筆墨勻和  
 皆屬火候

送沈仲連南遊

○淡○中○有○淡○味○

憶昔聯鑣日今餘四十年老來何又別欲去說從前酒散燕  
 山月鴻迷江渚煙惟期歸棹早笑讀遠遊篇

送俞彙嘉揚州別駕

多君能尚志卓犖負英姿老友期同學愚兒解說詩晴窓花  
 影下雪夜漏聲遲分袂難堪處相看淚各垂  
深情古道  
 具見此詩

摩訶菴感舊

七十年來如等閒幾回携笈掩禪關論文擊節樽前月望遠  
○佳○  
 登樓雨後山半榻燈青宵寂寞五更春曉鳥緝蠻也曾獵罷  
 經過晚百尺高松雪裏攀  
回思往事風  
 景如在目前

喜錢飲光至



言韻二集二  
定本  
○氣○頓○挫○  
栖○栖○寒○鳥○下○庭○枝○老○境○偏○與○良○友○思○常○憶○兵○戈○驚○散○去○每○逢○  
故○舊○問○歸○期○一○朝○來○我○荒○齋○坐○為○簡○懷○君○昔○日○詩○濁○酒○淹○留○  
聊○盡○醉○陶○然○且○莫○說○當○時○  
老氣不  
可及

陳緯雲俞彙嘉青箱堂讌集

○語○有○道○氣○  
莫○笑○年○衰○逸○興○稀○嘉○賓○折○柬○集○荆○扉○草○堂○談○讌○無○拘○忌○麟○閣○  
勲○名○有○是○非○把○酒○幾○回○懷○往○事○剪○燈○相○與○坐○春○輝○杏○花○時○節○  
西○山○好○應○為○諸○公○掃○石○磯○  
真淵厚和  
平之音

兒熙置酒同看山彙嘉淑汲四弟毅菴及諸子孫馮園

看海棠

○蒼○逸○之○氣○具○見○行○間○  
芳○園○幾○樹○海○棠○花○聞○到○春○深○燦○若○霞○偕○友○偶○來○如○覓○夢○昔○年○  
原○白○近○吾○家○一○枝○穿○石○迎○人○艷○萬○點○凌○雲○逐○日○斜○把○酒○莫○憐○

開未半却愁風雨老韶華

望衍法寺千佛閣有感

魏巍傑閣插秋空峭壁依然映日紅僧舍今迷籬徑北吾家  
○樓○甚○  
舊○在○寺○橋○東○穹○碑○尚○喜○留○先○蹟○  
碑勒先  
幽夢難忘繞佛宮兩  
大夫記  
世因緣遊息地書聲寂寞冷松風  
先大夫暨子  
憶舊詩讀  
皆讀書僧舍  
去疑有悲  
風  
風  
風  
風

山遊道經灰廠甲申初夏避寇過此

盧溝西去漸無塵曲折坡陀下上頻古岫尚然懸碧落荒村  
○清○老○絕○倫○  
依○舊○倚○嶙○峴○難○言○今○日○重○經○路○不○是○當○年○痛○哭○人○垂○老○未○衰○  
登○頓○興○此○生○合○與○白○雲○親○  
回思舊事一筆并  
寫幾如斷峽哀後  
戒壇憶天啟乙丑秋金卿非子司直偕遊



昔曾偕友到禪關五十年來彈指間却幸重遊存白髮相看  
不老是青山巖松未改虬螭舞秋葉仍如錦繡斑誰葺荒壇  
增氣象朝霞夕月倍幽閒  
宗伯寄予書以司直稱相屬選梓深情具見此詩

暮秋偕朱翁山歸孝儀張豫章弟毅菴兒然照燕默孫  
克善戒壇夕坐

嶮巖霜葉燦昭回與客幽尋踏石苔乘興并忘年已暮探奇  
不憚日將曠野狐恍惚憑樓窺山鬼依稀騎豹來散步壇前  
堦上好清樽對月為君開

重遊潭柘寺

煙冷雲荒野徑迷遊踪又到碧峯西蛇蟠虎伏憑人說柘萎  
潭逃聽鳥啼雙吻勢增危殿矗千山影壓僻門低攀躋為憶

當年侶侶悵空山落葉悽

殿角吻獸甚奇有言蛇虎時見者

邁嶺盤谿尚未艱峯巒回互綴烟鬟石根泉落猶穿石山外

雲生別起山殘碣模糊蒼蘚上遺磚寂寞亂紅間催人暮雨

遲遲去欲喚龍携潭水還

寺有唐碣元妙巖公主拜磚

二首極華鍊又極蒼細

出山渡渾河歸

欲去還停情自奢山山秋影逐人斜烟銷平野雲歸壑木駕  
危橋浪滾沙回指青峯凝宿靄遙看紅樹變晴霞無端又上  
石經寺但覺難堪久駐車  
不用作轟雷掣電語自爾氣象一變

容園月飲卽席

雨霽新秋向晚情登臺坐待月華生寒暉照席遙山黑斜影  
穿林宿鳥驚把酒不辭當夕醉拈詩莫笑讓人成言歸好自

此句尤警



留餘興更有清光夜夜明

心靜筆老

送顧見山水部分巡洮岷

岷山西望莽蒼蒼。持節仙郎意氣揚。獵鼓風前馳白羽。羌歌燈下出紅粧。氍毹月冷啼烏曉。刁斗霜寒斷鴈行。壯志自凌荒服外。摩空嶺上勒新章。

華整似盛唐

秋夜聽歌

纏綿盈耳意悲涼。珠轉花飛幻抑揚。一曲未終人語靜。深堂四座盡秋光。

盡秋光三字寫得寂莫蒼茫兼深曲理

暮秋過摩訶菴園林

幽尋最好是僧廬。却喜偷閒半日餘。喬木疎籬皆舊識。滿園烟雨冷秋蔬。

蕭蕭自老

初冬園夜夢中作

疎林殘葉怯寒風。僻院迴廊曲徑通。人靜閒階鶴夢穩。小窓深處一燈紅。

幽境寫得恬適

夜飲憶五弟

酌酒依然歡笑多。篆烟霜月奈情何。爭人不解傷懷處。猶唱當年變調歌。

情深人不當如是耶

西山卽事

忽地風吹亂壑雲。杏花望裏倚斜曛。堦垣敗瓦山邊殿。盡是前朝王子墳。

如此胸懷豈徒草草登臨者

無復探奇水盡頭。却因退谷擅清幽。主人何事登臨少。一任亭前溪自流。

何爲西莊王給事柴門空閉鎖松筠往往如此



石坑笑兀出豐碑。老栢高楊相競姿。說是內官埋骨地。遺庵  
今尚待形墀。宗伯其有遺恨耶

石磴盤旋十八層。層層亂栢曲相承。洪光門閉高峯下。雲破

時窺佛面燈。字字 圖

老來嘗喜得閒身。招友看花歲歲春。向夜來青軒上坐。幾回

默數昔遊人。自是前輩語

玉泉山下徑模糊。彷彿猶存裂帛湖。過去溪橋泉尚冽。觀音

寺上小亭孤。

功德寺前蠻子營。稻畦麥壠遞縱橫。綠楊籬落多茅屋。若在

江南岸上行。

遠望湖光十里明。青龍橋去倍澄清。沙鳧野鶴飛無數。却少

扁舟漁唱聲。二絕都是寫其真境

偶過容園

踈籬石徑野花幽。古木挈空舞怒蚪。山色邀人樓上去。滿城

烟雨萬家秋。山色邀人四字前絕

秋夕

踈荷香遠綠窓低。簾捲秋光日又西。向曉幽林微雨歇。亂蛩

四壁盡情啼。直欲置我秋光中

聽歌

歌罷偏多感慨生。纏綿未斷耳邊聲。何勞更作當年想。拋却

從前更有情。耐人思量

對月



清宵坐對月華明。河漢初斜斗欲橫。半掩畫屏銀燭冷。疎林

葉葉起秋聲。唐人神韻

宗伯寄予青箱堂稿凡三種其已刻者收不勝收謹將未刻新詩選次登梓與寓內人士共遵典式焉戴滄洲每向予言宗伯自為諸生孝廉時望隆顧俊一時公卿咸為側疑今位極崇隆而虛懷下士有若飢渴予雖別公二十年在三千里外猶寄書惓惓不忘豈不令人有君宗之歎

李 蔚 臺書坦園直隸高陽人

秋感雜述

驅馬故城下。烏鳶翔空壕。敗屋絕烟火。蓬艾如墻高。黃塵埋斷碣。遺名認賢豪。嗟彼中澤鴻。啼飢聲嗷嗷。徒知振長策。計

晚思補牢。沈鬱痛切

酷暑

酷暑絕經過。長晝獨閉門。炎飈時颭颭。吹我几席溫。日車停

中天。萬物同蒸燔。飛鳥焦其羽。池流為之翻。畏景苦難暮。欲

寐氣鬱腎。已憎團扇重。頗覺織絺煩。傷彼道傍子。簇聚如雲

屯。揮汗事奮鍤。萬指相攀援。觸熱豈不憚。嚴箠莫可奔。一身

飢且暍。舉室悲游魂。使民有恆期。師行避焞燉。茲役矧可緩。

胡令多銜冤。浮埃蔽上蒼。雲雷久無恩。安得生羽翼。憤激為

叩關。我居幸閒逸。湫溲何足論。原本經術直據襟情固非尋常詞流可及

秋日寓感

余本躬耕士。早耽田畝樂。霜期滌場後。百穀亦已穫。歲莫群

從休。鷄犬偃林薄。隣里時招邀。濁酒共斟酌。世事若反掌。人

境兩零落。昔歡百無一。長懷負夙諾。武備正未弛。誰能念藜



藿還瞻故里墟寒莽宿飢雀

叙述身世言之愷篤擬于建安諸子自足方駕曹劉

有事太學宿御書樓下感述

索處忘歲陰境異結遐想揭來人跡外寂歷得心賞入門蕭  
高矚形神迭幽爽循覽多陳蹟太息深一往老槐四五株天  
風墜秋響墮陽漏東壁宿蘇連階磔須臾晚色來城闕黯蒼  
茫衆籟雜然作客意悽愀惘惘思昔建國規模何宏廣四維  
密以張教化尤敦獎成均作人府經史資溉養鏤板布四方  
度置危樓上治平有根據邪說莫能蕩磐石數百年厥報實  
默享遺構猶幸存經始憶疇曩丹腹剝高甍噉噬歆銀榜斷  
垣失障蔽空庭塞榛莽細民溷清閥榷鑄無人掌熬火銷太  
乙夜氣窺颺颺羽陵簡易蝨汲冢逸難網墻壁隱詩書章甫

淪兵仗卽今絃誦徒不費公家帑採時見迂闊懷古足俛仰  
片月寒近人夢遊尚惚恍

感述

真有關經術文字其叙述盛衰尤足深人俯仰

我里高河東高河古水邑在其北實維顓帝墟村氓數百家俗類古陳  
朱承平孳姓族鷄犬恆晏如萑苻一朝起殺聲聞於鋤茅茨  
照烽燧平原血成渠孤嫠走四方貫魂刀俎餘羸老什存一  
轉徙無安居况復頻水旱新田無人畚盛衰有主者私念徒

區區本子建送應氏詩來

雜述

鳴蟬本微物胚胎自泥塗炎風假之便憑高任喧呼喋喋如  
有訴纖羽颺輕軀使戩夢魂擾不得遊華胥爾時能幾何秋



霜被庭梧繁聲會銷沉終作抱葉枯詩人刺螭蟾宣父吟螭  
○至○言○ 蛄厭靜而尚囂無乃非良圖 借蟬說法 中有至理

何以寫我憂駕言出南郭窈窕誰家墅芳塘映林薄石徑深  
○寫○荒○落○之○景○

透迤亭館布參錯芙蓉爛錦綺飛梁跨水閣規模殊壯麗金  
○殊○為○可○念○ 碧已剝落賴有遊人來時時慰蕭索借問勦者誰當年氣熏

灼傳舍闕多人百歲如今昨感此意豁然萬事付杯酌為語  
同遊客慎勿緩行樂 今縉紳家求田問舍 紛紛不已亦獨何哉

南苑雜詩

不踐城南途歎焉已十載豈惟日月積似覺阡陌改荒畦接  
村墟居人幾家在久旱麥禾焦耕者方憂餒長風吹驚沙羸  
○堪○ 馬循殘壘繚垣啟紅門紺宇奉真宰曾識經始年金碧餘光

彩石梁隔流水濺濺溼蘭茝徒御遠相失行行意彌怠筋力

非當年馳驅增歎慨 撫景傷懷不勝今昔 之感詩亦頓若森蔚

○寫○欲○雨○之○景○如○在○自○前○ 融風吹南陸獵獵帷帳鳴披沙一開眼油然見雲行沈沈黯

西山遙遙接高城濃陰蔽朝旭曉起聞雨聲茲聲一何美能

使珠玉輕甘澤雖未足亦可濡枯莖播種盡人事種陸均西

成凡草固易滋蒼然乘怒生晚霽看野色一洗塵襟清素餐

愧宵旰舍郊塵省耕

苦寒行

燕山一夜雪後風重衾裹足如水中日車蹙縮藏曉紅人履  
河腹聲冲冲椎擊纒挽撼鮫宮

長安索米頗休假時騎羸馬向官舍指裂據鞍不可下短髭



拗折冰花謝枯毫凍研酸風射

蓬門婦子燎茅炬。龕糲炊烟僵不舉。嗟予苦寒差勝汝。更聞

橋下雙鶴語。堯年之寒未應許。與少陵何分今古

西山雪浪歌同魏石生給諫作

我聞西域雪山照耀一萬里。孤高拔地幾千尺。日輪碾軋終

古不能損攢峯列。嶽六月寒人魄中有獨往客。金光瑤草給

朝夕寒裳欲從之。道遠無羽翼何似西山近在目。曉間鳳城

龍闕借顏色。四時之美不可以殫述。今帝圖珍怪誰能測。北

風吹地草木腓。雲出膚寸迷朝暉。天吳跳天海水飛。雪花如

手打人面。千山萬山皆白衣。一雪十日不肯晴。寒光晶耀天

地明。祇愁泥滓污城市。寧知天外懸瑤京。何來羸馬黃門公。

立馬叫奇絕。張眸瞪眊精神通。日日雪浪將無同。胡為山君

宅宛爾。河伯宮。陂陀奔洶失高下。疑有魚龍鼓鬣出。沒乎其

中。平林杈枒盡顛踣。長松獨立翠如藻。荇紛縱橫崖封窟。閉

狐兔死。逕絕不覩樵人蹤。安得丹青好手為我貌。此景加以

小艇披簑翁。愛而不見心忡忡。雪乎雪乎爾固乘時弄姿態

但恐天心轉。春陽紅威銷力盡。無所覓。山高木秀。漢古還太

空。氣勢極大咫尺間如觀銀山瑤闕

泡子河

泡子河邊路。曾經全盛時。青山催馬齒。朱榭失蛾眉。病樹生

枝秃。荒橋度板危。試尋絃管地。蛩語滿秋籬。蕭瑟不堪

路河道中



霜日曉初鮮。籃輿破野烟。遺甍悲雁戶。故轍識桑田。笳鼓駝  
聲送。旌幢虎旅旋。武功方未已。行役自悽然。  
大有止  
戈之願

靈壁道中

中都何代建。王業黯蒼茫。雲氣銷龍虎。山形鎖鳳凰。劍垂當  
日意。憑弔幾人傷。猛士藏弓盡。空憐豐沛荒。  
謝高  
思警

將樂山行

迴合千岳裏。危途已稔經。雨乾梅子盡。瘴熱草頭青。陟嶺蛟  
湖峻。探林虎窟腥。昔人歌蜀道。應未識臨汀。  
沉警不  
讓空同

阻風野泊

缺岸連叢篠。蒼崖冒黑雲。捲蓬風力怒。觸石浪花分。酌暗螢  
徐下。眠驚虎夜聞。境緣奇不厭。漸習遠人群。  
奇  
關

雷雨泊溪灘

難曲苦。遭迴收帆急。雨來幽岳騰。絮霧老樹繞。奔雷魑魅深。  
林哭魚龍夜。壑開蕭然。椒炎鬱險阻。復何猜。  
中四語  
壯險

西苑舊蹟

妝樓遺址盡。孤堦出高臺。佳氣五雲渺。悲風四面來。天文蚪  
蚪譯。龍藏鬼神猜。異域僧徒在。應能辨劫灰。  
結處是諷  
諫之指

清明同仲生諸年友登靈佑宮樓

春城艱野醉。令節况登樓。歌細風徐度。山蒼翠晚浮。空尊嘍  
墓鬼。高樹隱園丘。俗客看相怪。應非簪紱流。  
上○句○  
奇○下○句○秀○

送王藉茅歸省

執友難言別。寧親敢告勞。風烟栢岡樹。舟楫盟津濤。驛路疲



乘傳鄉園看賣刀好問君萊子服胸有高識故曾有鸚鵡袍出語必雄

閒居

是迂非敢傲精警唯癡乃宜閑精警偃蹇狂奴態精警浮沉供奉班精警蒼頭驅

同泚亭冰壺遊桃花寺

蘭若憑虛際同人快一登林深風浙瀝徑入石峻嶒絕壁流妙于自然雲合飛泉急雨增幽探殊未倦復上最高層却臻勝境

秋日城西卽事

秋郊朝氣蕭蔓草未全腓白露催林葉晨光上客衣敗塚寒詩情水咽荒墅遠烟微欲覓當年跡同遊在者稀蕭穆

送李岷瞻司理廉州

百粵東南極滄溟萬里寬地仍秦象郡富異漢珠官訟牘寬工麗民力詩囊見歲寒平生期許意未盡在彈冠王岑有此典秀

春日西郊

坐惜青春去城西問舊遊柳陰河勢曲花氣野風柔廢圃圍風調都荒井危橋咽細流同人相待久選勝到林丘爭上流

欲去仍餘興徘徊古寺門碑殘猶辨字佛臥自忘言返照明蓬山補斷垣高樹遙山補斷垣無端歸騎促憑弔意空存他人尋味不

春日偕予袞登報國寺閣

塵清睥睨晝溶溶宮闕參差翠影濃上界天風吹鶴雀西山百鍊雲氣照盧龍春催草樹爭殘凍望入川原怯遠烽身世漸知



歸浩渺驚濤俯聽起蒼松

此詩不取其雄取其細

九日大風雨舟阻邳河

縱眺河干溼兩眸北風怒雨打船頭山遙鳧繹烟中隱水亂

此句說時事

徐邳地外流菊殘萸囊何處好黃蘆白草此時秋畏途百戰

經湖濼伏莽縱橫尚未收

落筆安閒却沈渾處人不能到

歲暮和猶龍

奔畧流波逝不窮榮名壯齒兩難同龍蛇起陸沚杓轉狐兔

北地有此雄拔

驚園大澤空長夜差堪酬鑿落傲裘何敢歎蒙茸寒爐斷簡

無相厭一半年華送此中

與且亭唱酬可云敵手

雨遊中頂回香亭

數畝芙蓉錦障齊清流曲曲抱長堤振衣風送寥天外過雨

雲垂上苑西隔水笙簧宜遠奏尋芳壺榼更重携儘揀騎馬

乘船似落照籠陰路不迷

筆墨和柔

西苑感舊

雨後湖光淨可憐畫中樓閣鏡中懸堆雲積翠橋形直老栢

惟初唐沈宋有此手

長松殿址圓輦路草生迷馬埒河房水落鎖龍船同時侍從

今餘幾憑眺遺踪一惘然順治中侍壯厲蒼涼固是感舊非同尋常應制

秋分大雷雨夕月時也

秋氣平分更起雷驕風橫雨莽相催祠官俎豆陳方罷月姊

旌麾溼不開屋角電光明詰曲庭心水勢怒喧豨於今夏正

渾難據欲向羲和問管灰

送艾長人司農祭告中嶽



○筆○力○界○元○  
崧○高○勝○蹟○中○天○下○廟○貌○清○嚴○黃○蓋○峯○坐○臥○數○千○年○栢○樹○登○攀○  
三○十○六○芙○蓉○少○姨○殿○圮○豐○碑○仆○玉○女○窗○虛○亂○石○封○遙○羨○告○虔○  
通○陟○降○星○輶○處○處○問○僊○蹤○  
巍峩奇特幾  
與二室爭雄

留調臣

不○是○勸○君○留○綠○槐○陰○可○惜○試○聽○樹○頭○蟬○聲○聲○怨○行○客○

韻極

田兼三席上口占

高○堂○明○燭○耿○深○秋○細○雨○黃○花○動○夜○愁○耐○可○吳○飲○催○客○醉○十○年○

前事上心頭

黯然  
魂銷

清明郭外

顛○風○帶○雨○釀○寒○輕○細○草○平○川○綠○未○盈○最○是○遊○人○無○意○緒○翻○將○  
風○雨○惱○清○明○  
翻得好恰  
如我意

元宵次夜口號

九○衢○燈○火○競○時○新○璧○月○高○懸○映○壁○人○跳○索○兒○郎○團○鼓○女○分○明○  
妝○出○太○平○春○  
風俗語  
可愛

黃村道中

陂○陀○高○下○失○前○旌○踏○棘○穿○沙○信○馬○行○乍○喜○逢○人○堪○問○路○遙○聞○  
林○外○喚○鷹○聲○  
北路風景  
寫來生動

宿盧溝

沙○岡○盡○處○是○盧○溝○雉○堞○蒼○茫○暮○靄○收○毳○幕○纔○安○催○秣○馬○半○規○  
霜○月○照○征○裘○  
是扈從  
時光景

夜宿玉泉山下

寒○郊○虎○旅○送○嚴○更○霜○氣○侵○幃○月○影○清○無○那○酒○醒○歸○夢○覺○枕○傍○



好○細聽駱駝鳴

難聽

復遊觀音堂至裂帛湖功德廢寺而返

裂帛湖頭偶問津清流碧草宛如春亭臺遺址無從識若箇  
會經全盛人

景帝陵

蒼蒼栝栢冷烟凝古瓦頽垣收豎登白髮中官扶杖立向人  
指點景皇陵

不必更着議論

三屯營道中雪晴

玉削群峯四望同旭光喜見樹頭紅層木馬踏翻忘倦人在  
房山圖畫中

寫出性情

景忠山

嚴關倚險號三屯斥埃烟銷譙櫓焚山上碧霞祠宇盛居人

惟說威將軍威南塘鎮三屯營其久山以其祠得名

雨中再簡子明

別酒重斟苦易醒淒雲寒雨一燈青却恐後夜滿簾響客舍  
篷窓兩處聽

情懷只如我輩

西苑雨中

平湖十里開明鏡菡萏千枝簇錦屏獨上金鷲停馬看白鷗  
飛入五龍亭

無鍛鍊之跡却佳

歸途雜述

濺沫飛流百道分驚雷隱隱四山聞中盤佳處空遙指一牛  
峯巒入白雲

出盤山一幅山雨圖



太監王承恩墓

常侍孤墳傷寢園尚留短碣表忠魂遺弓當日何人拾應有  
銀璫碧血痕此璫得詩以不朽

相國燮理之餘吟詠不輟而深自韜藏即受業梓其心遠堂集而秘不示人也許子竹隱客京師乃請其刻稿郵寄而相國亦曰此當年滄州座上客曾共杯酒可與論詩者也予謬為選次俾學者得見臺閣之宏篇豈不盛與

馮溥孔博易齋山東益都人

武闈卽事簡同事諸公

百戰山河鞏固同羣賢誰在未央中一人恭已思長策四

海威加仰大風已愧綸屏修黼黻還從紙上辨英雄簡書畏

負時冰楊好藉奎光透日紅相國詩篇久覓不得校門舍人出此作相示予曰此河見

燕許一班也亟登之

魏裔介石生崑林貞菴直隸相鄉人

甲午春流民南走如蟻有夫婦至滹沱河欲渡舟子索  
值無以應遂並其子女赴河死余聞而哀之作投河歎

望望棄故里覽覽度層阿積雪愁未盡寒雨漫長坡豈不念

鄉閭命也嬰禍羅行期計匝月遙望見滹沱滹沱何澎湃春

風增白波對此心怵惕四顧空延俄飢夫前致詞亦欲渡此

河離鄉日已遠無食一身多况今襁褓婦黃口一肩駝但獲

渡濟去冥報豈有他舟子瞪目視笑爲船上歌飢夫語飢婦

我當葬蛟鼉爾挾懷中雛丐食行逶迤飢婦更無語長號赴

奔渦飢夫投其雛捐命同飛蛾是時天地黯慘色起嗟峨飢

民岸林立哽咽共跌蹉哀哉今之民而不如鴛鴦情事極慘却有



此深情老筆一為傳照其樸處真處皆得  
史遷神髓豈非石壕彭衙而後又見此作

哀盜

雉羽綴朱纓。長弓響鳴鏑。倭刀燦若雪。袒肩掛裘襜。跨馬出  
都門。直渡盧溝水。翻身射皂鵬。飛血濺象弭。蹀躞縱橫馳。側  
身若蛟螭。行人皆辟易。長跪獻金貲。醉眼方朦朧。繫縛後車  
屬。弓刀不及發。狼籍司寇獄。豈乏鐵衣朋。跼踏不敢贖。以足

勸元  
惡

春日感懷

種樹以為林。結茅以成屋。家有負郭田。聊足供僮粥。春風樹  
若黛。秋雨山如沐。二三老農人。戴笠牧黃犢。此事樂有餘。此  
生其鹿鹿。虛名煎膏火。途窮見車覆。憂來每無方。顛毛種種

秃。座右金人銘。朝夕事三復。錢鏗真吾師。敬慎以為轂。

朝當

野倚注之日忽爾命駕  
還山其願已見於此

范丹釜生塵。曲逆家落魄。張陳與蕭朱。衡纒爭強弱。所以朱  
公叔。絕交甘寂寞。人生重友朋。明信以為約。鬱鬱青松色。歲  
寒終不削。愧彼桃李花。方春競絢焯。余家世燕趙。由來耻浮  
薄。策馬古鄆城。遙望邯鄲郭。桓桓信陵君。仗義資大畧。好與  
屠沽游。孤寒欣有託。歎息斯人去。仁風不可作。

贈喬文衣

中丘侷儻有喬生。十年杖策走春明。途窮慟哭彈長鋏。揮毫  
咳唾比荃蘅。一官黃綬輕如羽。郝鄆之間留治譜。杖履忽復  
凌波濤。海外冥心觀太古。不見安期與羨門。但見晚潮落青



浦厓山大艦鼓聲腐黑風吹起蛟螭怒戰罷歸來血滿股手  
持露布橫梁舞丈夫生有力如虎紛紛肉食何足數飲子酒  
誦子詩金石之氣備四時春來積雪冷空齋我有奇文向子  
語子才真可萬戶侯何爲又向海濱去  
一甫上參軍耳因是詞人故作如許  
期望如此描寫自是漢庭真諫  
議梅材所推不足以盡之也

贈別申鳧盟

數年不見心若失一年不見心轉迷春消夏長子來思夜飲  
香醪醉不知平頭奴子歌吳曲百囀流鶯耳半痴子才超蹕  
如騷裏不上春官愛紅蓼依人羞登王粲樓訪友常理山陰  
棹好奇兄弟似岑參閉戶讀書千百函每至孫登長嘯處笑  
指堯夫舊草菴余也仕宦風塵久潦倒天涯將白首今世知

我有涵三又有伯巖稱黃者他位不肯作此語與子落落成三人不分廊廟及

猷收法筆勢翩翩與酣搖筆驚鬼神愁來白眼拋傲帚學宗滄海祖岱嶽

孰問行潦並培塿子今歸去洛水東烹煉丹砂慕葛洪扶持

元氣灑虚空三十六帝外臣同臨別何必灑淚紅待予青鞋

布襪枕石漱流彈琴而詠先王之風函三伯巖鳧盟河朔三高士不足奇難在

貞菴相國之忘分敦好此誼遂爲信陵以來所不經見詩能歷落寫出

獲鹿道中過漢淮陰祠

大漢承天運偉哉命世才土門赤幟出河朔陣雲開相背岩

君意假王是禍胎未央鐘室血憤懣有餘哀相背二語是千古定案

舍人書不載告變豈無欺赤族酬龍準扁舟媿子皮奇兵吞

趙魏古屋泣熊羆呂雉誠多詐空令漂母悲全在虛處着眼只是識尊



平定道中

疋馬行將夕雲烟處處多霜輕花再發澗曲水能波山險原  
連塞關巖尚荷戈中宵聞鴈唳起舞自婆娑  
格正大調雄偉是為盛唐

名作

曉渡滹沱

有懷翻不樂東望日初暹山氣侵城黑青霜入髮嚴長橋古  
渡圻流水斷冰兼欲問東垣郡寒空鎖塔尖  
如此用險韵正覺游刃有餘豈非才大法老

餘豈非才大法老

過新樂觀伏羲臺浴兒池

萬古真元氣獨鍾至聖身龍圖開道與鳥跡佑斯人野色空  
池綠荒臺晚樹春遺經有卦象俯仰盡經綸  
實處見典虛處微秀

過定州觀雪浪石

不有坡公識誰知雪浪名鴻濛歸片碣江漢入濤聲勝蹟金  
元變奇懷涕淚橫地經百戰後瓦礫滿山城  
他人私替雪浪石耳此忽

寫入滄桑筆力奇橫遂爾目空千古

寄高溫如官闈中

來往三巴路王程計幾千千戈依戰壘涕淚見人烟白日烏  
鳶聚高原豺虎眠家書三月少秋月正孤懸  
是謂戰後之圖中移動不

得

重陽前一日同辯若弟游善果寺

夜雨秋光足尋烟開士園威儀方丈肅飄渺洞天存僧話前  
朝事烏啼古樹門西山忽在目寂寞更何言  
極蒼漠却極痛切與尋常



隨喜話  
不同

淇瞻劉年丈邀集徐園同猶龍青嶠賦

○起○得○好○  
縱○下○憂○時○淚○何○妨○醉○碧○岑○虛○檐○侵○鳥○道○色○檻○迥○濤○音○晚○水○斜

陽○照○高○城○岸○柳○陰○忽○驚○雙○鬢○老○燒○燭○共○長○吟

愛其起結不徒賞中四語

工之

追送田髯淵

數○日○勞○鞅○掌○悵○然○君○遠○行○飛○蝗○殘○晚○稼○積○雨○黯○秋○城○前○路○龜

山○蔽○孤○舟○吳○月○并○華○堂○有○醴○酒○誰○與○聽○啼○鶯

春日寄楊猶龍方伯

老○鬢○欲○成○絲○寒○威○春○病○知○五○更○常○憶○友○三○載○不○論○詩○白○馬○黃

河○渡○檐○車○嵩○岳○陲○莫○言○方○伯○易○豫○土○有○瘡○痍

公與且亭交情甚篤故落

筆便有真穆之氣。讀三載不論詩之句可見乾坤甚大把酒論文之友原不多得

自安定門旋由水關南望德勝門述目所見

曉○嗽○映○朝○曦○人○家○野○水○邨○樓○殘○遺○堞○立○寺○廢○古○鐘○存○解○凍○春

雲○漾○呼○鷹○獵○馬○馴○干○戈○息○數○載○猶○有○哭○聲○吞

偶爾郊行便有滿目瘡痍

之感此豈尋常詞人可及

野雞舖

寒○颺○鬢○發○動○秋○波○終○古○風○流○與○恨○多○荒○塚○魚○燈○沈○寶○玉○平○原

馬○首○躍○金○戈○天○心○混○混○蠡○探○海○客○路○茫○茫○公○渡○河○起○舞○聞○雞

成○底○事○不○如○青○笠○伴○漁○篋

屬當却運有非人力所可挽者非深閱變故人那得知

清明日送葬彰義門外過天寧寺因憶先塋有感

雨○後○郊○原○亦○可○憐○雙○柑○斗○酒○共○陶○然○誰○家○灑○淚○北○邨○下○使○我



懷歸南陌前草茁長堤分野色花飛古寺蹴春烟場來車馬  
何多事欲棄人間學大還一往情深而格法安頓不差錙黍

和楊猶龍

幾回蕭索歎淹留碣石蒼蒼雲物愁三載珥貂真續尾一書  
曲突耻焦頭居因地僻心常息話到山深暑欲秋嫁娶未諧  
禽尚約乘槎天外負奇遊

義和鞭馭不能留漫學張衡遣四愁宦海已知羞曳尾虛名  
○此○語○深○

更自恨龍頭北平宴賞風烟日南國蕭條鴻雁秋人事邇來

真倦眼珊瑚一枕夢仙遊

稷尚自負人因應作是語

宴丘節同猶龍文衣觀仲遊白雲觀

乘春結侶尋仙跡尚有雲光日日留一井澄泓餘碧水人間

咫尺是丹丘荒臺繫馬平林晚野寺悲歌古木幽却憶青山  
○無○窮○悲○類○

全詩整雅妙于結處有萬里烟波

紀伯紫過我嶼舫小酌賦贈

春餘寂寞子雲立有客來過岸上船屋裏欲觀峯突兀手中  
不放杯流連草堂卧病憐孤雀西郭躬耕憶老犍聞說金山  
多好句十年散髮大江邊此○一○集○勝○京○華○讌○會○多○少

出西便門至慈壽寺觀明李太后所造浮圖

浮屠高建出松林結構崇宏勝布金地獄變形三乘法天神

○筋○兩○語○

威赫五雲深涅槃不識滄桑易陽九誰傳錫類心忽憶夔門

三峽險錦江秋色許長吟時○遇○蜀○僧○與○之○談

高曹向孟有芳箴何用雙林不億金四角鬼工星日挂千松



龍甲雨霜深。鷗鷺風落巢。荒燕楞首塵。封走白蟬。隔代惟存。  
香火地起人。憑吊是碑陰。  
妙寫荒落使人  
俯仰不能為懷

彭城放雀亭

雲龍山下茅亭址。天外修翎何處來。一水勢從西極下。千帆  
遙指海門開。斷蛇事業餘荒草。戲馬悲歌剩古臺。却憶當年  
蘇太守。清風琴雀共徘徊。  
有意必搜  
無語不切

真覺寺

金剛蘭若勢穹窿。此意原非色相中。一自傳來中印度。當年  
用盡鬼神工。城陰水浸臨高閣。日暮天低過塞鴻。寂寂頽垣  
生杞菊。然燈猶照象王宮。  
轉入荒涼  
轉生光焰  
餽羹芝麓。涑酒和韻

易州城下黃金臺。流水釀為竹葉醅。御苑鶯啼猶閉戶。晚春  
花落且啣杯。登樓屢欲哀王粲。衣綵方思戲老萊。文獻中朝  
推雅望。五湖烟艇可能回。

九日同子倣遊飯依諸寺

何處登高欲望鄉。愁人今歲怨重陽。豈無竹葉添杯酒。偏有  
雲山隔雁行。亂插黃花憐老大。故驅禿馬一顛狂。已知城市  
紛難避。坐擁青箱意不忘。  
高老得杜  
家深境

秋獵南苑

玉靶雕弓斜控鞍。箭如鴟叫萬人歡。儒臣後騎承恩寵。指點  
黃羊親與看。

賜馬



權奇名騎錦雲鵲從獵翻蹏過古阡新出宛群猶戀主驕嘶  
不敢下金鞭

題畫贈龔芝麓

○為柳花閣上寫照○

苧蘿誰解識西施一片湖光蕩漾奇欲洗人間脂粉色春風  
獨立聽鶯兒西子湖頭春色深

憑將妙指出金容畫棟垂簾寒峭風閣外盡山山盡雪沈檀  
香熟小薰籠繡佛閣二絕斌媚却  
不纖巧

宿海會寺與老僧出門有望

指點門前數里平屋椽圻盡馬牛鳴舊時歌舞諸年少也向  
荒山學力耕非贊之實憫之也亦可觀世變

三河縣

彈丸黑子是三河寥落人家傍冰波圈估誰憐民力盡城邊  
驛路正逶迤諫臣之口大臣之心

薊門

北門鎖鑰接遙岑吊古空嗟歲月深自興朝定鼎後蕭蕭  
松檜滿山陰關係語

涿州公廨中古槐

王謝堂前燕已飛西京禾黍幾歔歔行人若問與亾事古樹  
年年對夕暉

乙未客京師相鄉相國時掌諫垣得從杯酒獲聆緒論別  
近二十年未敢輕以尺素相候辛亥有詩觀之役僅從友  
人選本採十餘首登梓今蛟門汪舍人乃出其嶼舫全集  
見示因遴次若干首以光茲選其詩傲岸蒼渾足救靡曼  
之習洵有如  
息盟所云



趙開心 洞門蒼篔簹湖廣長沙人

就園

水天相渾處不禁舫輕搖魚鳥知親客  
骨羅識避橈境隨潭  
○晉○人○影靜神與去帆遙  
觴咏無心極清商  
陋玉簫

選勝何嘗地會心  
隨命名湍鳴山谷  
籟溪湧竹松聲各爾適

佳况因之有別情  
漫言舟似葦一葉此身輕  
○語○有○感○會○ 二首殊有靜致

為宗定九賦新柳堂

種得春深護墨莊風流濯濯憶張郎  
統園絕勝松三逕連屋

遮來書一床攀折不關垂客舍  
高吟仍待賦長楊經年河畔

青如舊滄海堪憐幾變桑  
結處大有感歎

中丞東華一疏驚動瀛內不屑屑以詩德而與予輩流連竹西桃葉之間輒多倡和唱稿多零落可勝人琴之感

金鎮 又鑑長真順天宛平籍浙江山陰人清美堂詩集

北上別汝南州縣

明發遙言邁班馬何駢駢年深媿匏繫回首念艱辛  
荒殘十

四城撫循賴同人流移亦已歸桑麻易荆榛  
茲歌徧衢巷致

此良有因集裘匪一腋同舟匪一身藉手追厥戾  
離筵情倍

親行行去帝鄉溫言慰吾民各有慈母存  
群公皆至仁尚勉

甘棠化汝墳跡未湮鴻鵠志千里奮翮凌青冥  
斜日重流連

西郊起行塵惆悵黃鳥啼薰風吹征輪  
仁愛之旨形于楮墨凡為守冷應共

佩斯言

發汝南留別諸生

僕夫早嚴駕捧檄遊京畿既共父老別行與諸生辭  
麗日炤



南湖清芬散江蘿多謝彼都子褰裳擁路岐與賢余夙心惠  
 風殊未施天中讀書臺回首雲樹迷何以志永懷眷言贈將  
 離人生三不朽崢嶸須及時汝南多先賢世遠道足師夕陽  
 下西山班馬何依依且盡盈尊酒千古以為期  
○結○處○深○得○建○安○遺○調○

何其深篤

既慰藉又勸勉情旨

過信陵君奪晉鄙軍處

人臣無專擅所以明至尊胡為魏公子竊符應平原讀史起  
 疑情常欲吐一言秦圍趙乞師趙存六國存公子有早見設  
○主○腦○  
 計解軍屯事跡則已僭內心猶可捫戰國主合從信陵為發  
 源會上魏王書勸與六國接指斥虎狼秦嗚咽輒聲吞古人  
 逝水駛戰壘春草蕃智勇冠當代三君安足論昨從大梁來  
○矯○厲○

惆悵城東門

說出信陵救趙關係處大是史識

湯陰使院中松石絕佳率爾題壁

每遇山水佳流連不能已松間數拳石嵌空幻奇詭上有百  
 尺陰虬幹互攀倚我來值炎序解帶涼廳裏苔壁剔題句前  
○言○外○寫○照○却○最○喫○緊○  
 賢信清美緬想冠氛急滄桑幾城市獨此歸然存神物敢襲  
 視俯仰生遠懷揮杯竟餘晷故山有松泉直欲褰裳起  
落落

數筆足為松石寫照

送張師石孝廉下第歸楚黃

離亭車馬動相接復依依才大偏難售家貧不易歸深杯榴  
○知○已○之○言○  
 吐艷細雨日含輝轉盼長楊賦無為戀釣磯  
右丞有此調適

渡沙河



纔度黃梁北沙河十里程照人天不夜踏雪馬頻傾綠樹遮前浦朱樓匿遠城賴增碁布石行旅可宵征末二句確甚

都門送茅于純歸吳興君鹿門先生文系與余中表戚誼家花林里

卓犖茅公子倦遊出帝京真成季偉後莫忘渭陽情橘愛花林晚秋憐雪水清到家溫清處美酒熟烏程風韻在此一結

贈雪石大師

草草荒城構一枝遺榮入道信吾師長齋猶愧王摩詰慧業應過謝客兒汝上波清洗鉢處天中月吐坐禪時臨岐受教

灰心去却望松門有所思清疎澹遠應是贈衲子詩

過朱仙鎮拜岳忠武祠

平生讀史懷忠武遊宦今朝過汴梁叩馬豈非諳世務班師正論

自欲植綱常朱宮赫赫新祠宇芳草萋萋舊戰場盛代獎忠老極

無近遠停車容薦藻蘋香如此作吊忠武詩正自得體

馬上聞鶯

紅亭送別酒猶酣美舌黃鸝逸去驂何必戴顓箴俗耳如聞風流

嗣輔共清譚長途覘皖留人聽野店綿蠻少客諳最是停鞭獨上

斜照裏汴河新柳綠鬢鬢末二句不說聞鶯却自有離合映射之妙

題漳水使院天琴亭

入耳泠泠辨淺深天然應拍似鳴琴鄴宮久斷歌鐘迹魯壁恰是○天○琴○妙○妙○

方同金石音何必水山勞想像不關絃指絕思尋鍾陵亦有琵琶路屐響松陰十里岑

琵琶路屐響松陰十里岑江寧靈谷寺前舊有琵琶街萬松深處

鄴城奉謁魏相國雷飲葆石堂賦謝時同海陵黃僊裳



玉燭調成一疏歸東山絲竹遂初衣青門容我投元禮黃閣  
惟公薦陸機便許觀碁開別墅還同把酒對漁磯此行躑躅  
千秋陌吐握于今魏相稀春容大雅

次定州寄何石公內兄時石公為完縣尉兼欲為故友聞立凡謀歸櫬二君向客余闕

鄉慕中

鼎湖舊好惟君在一尉蹉跎髮漸斑千百里程空寄札十三  
年別未開顏已慚長者存心厚欲護貧交旅櫬還此日郵亭  
聊駐馬可能來話綠楊間使君于貧交故舊遇之極厚于此可見一斑

癸丑歸都門呈諸親舊

麾守多年滯遠疆南薰策馬始還鄉御河菡萏誇今盛蓋路  
垂楊比昔長情話陶家偕故舊酒筍燕市薦新香倦遊已似

歸雲嬾忍復馳驅役四方

讀之大是可念使人動菟裘之想

邢州道中經圓津菴

小憇茅龕暫借茶雨收十里度平沙香臺初日門扉靜一院  
紅舒夜合花寫景好

都門題友人停帆館

低閣蘆簾碧樹邊清江何用伴鷗眠百年應悟虛舟義不似  
張融岸上船

軟塵十丈滿京華曲巷蕭疎處士家兩面蓬牕常受月只疑

秋水隔蒹葭于停帆二字極為醒發

詩共選十七首以上癸丑北征

渡黃河再至汴梁與舍弟洽公別



十載墳篋久澗別今年晤對殊親切何意驅車燕市還重話  
○風○濤○在○指○離愁更鳴咽憶昨黃河風浪高蛟龍噴起千層雪隱隱良嶽  
見樓臺依依汴水明旌節愛是官樓姜被溫還虞岐路驪歌  
徹果然東門衰草天一卮酒盡肝腸絕從此分符向廣陵回  
首繁臺樹明滅人生骨肉最歡娛一官南北空羈縲何似連  
床對雨眠鴛原情事殷勤說  
友于之誼十分愷切不僅風調之佳

正陽關卽事

○確○甚○幾派中原水奔流下潁河連年比戶集隔岸估船多日落爭  
○道○接○先渡風微欲放歌驚心壁壘在往代此橫戈  
通首有英毅之色

壽春道中

詞賦淮南盡助猷淝水虛空留名勝跡曾是戰爭餘秣馬當  
○英○絕○

官道關弓過廢墟青山如笑我偏不狎樵漁  
矯異絕人却正在篋中

過清流關

歷盡岡巒峻巖關吐白雲一行穿暮色萬里見斜曛地擁余  
○好○陵壯山疑鐵馬聞重門今不閉知已靖邊氛  
意沈着詞壯麗此為絕構

秦郵舟中述感

輕舫溯邗溝予心渺欲愁頻年悲瓠子何日靖陽侯隄岸黃  
金盡桑麻白屋休忝叨司牧寄無策補田疇  
使君下車首問淮南水患

故形之歌詠  
獨為詩切

獻歲于役淮陰聞警過歸有作

○老○筆○橫○厲○萬○人○莫○敵○雪壓扁舟淮水春忽傳風霍亂江濱問誰甲馬驚黎老聞說  
滇黔鼓戰塵飛棹夜歸更鼓靜登陴曉指檄書新殷勤還向



邦人道萬里烽烟莫苦辛

烽火初驚揚民四竄使君只以安靜為主久之自定此為濟世

才之

渡江至京口作

伐鼓臨江放權行江雲黯黯欲相迎樓臺樹壓山平出蘆荻  
風迴潮漸生落日西津同作客新年北府又增兵匡時無計  
聊舒嘯鷗鷺全能滅官情

雅鍊  
純乎劉隨州佳境  
考功不能及此

望錫山

波光澄碧草光齊一路人家住水隄聞有名泉誇錫麓果然  
雙槩到梁溪松遮石磴湖雲出塔引嵐烟野寺迷便欲支筇  
尋勝跡道南祠畔好攀躋

安開得妙  
錫山問水注念在理  
薄一脈此為大儒本領

登虎丘

金昌亭下買輕舟小泊山塘問虎丘果否闔閭埋霸氣到今  
短簿擅風流日斜泉響沈歌板雨罷松聲散酒籌獨向生公  
求妙偈石亭鐘磬冷如秋

靜思遠致一掃  
虎丘脂粉習語

予改守揚州汪蛟門舍人賦詩見贈以修復平山舊址  
為言予媿未之及也詩以志慨

出典名邦真濫竽舍人贈句比連珠殷勤為囑平山舊風調  
寧教六一孤慙媿朱轡臨大郡正逢白羽走江都至今未踏  
垂楊路那得山川入畫圖

如此垂念平山真是  
兩文忠風雅嫡派

燕子磯絕句

空亭憑眺極青蒼吳楚年來少客航獨有釣磯長不改夜深  
明月下滄浪



言樓二集二  
定本  
突出江心形勝稀蛟龍日夜護蒼磯臨崖莫踏將崩石好倚  
孤筇上翠微 壯

長干

長干風物果清嘉軟草平岡更淺沙還上高樓開曉望紅墻  
低見梵王家 画意層層寫出

紅橋

柳暗長橋覆酒家采蓮歌起日初斜轉思十載天中路風雨  
南湖發藕花 動人 沒念

以上南游近稿  
共選十四首

使君向守汝南有清美堂初集之刻更選定何大復詩集  
行世蓋風雅一道寤寐以之茲移守揚州值時事倥偬情  
懷少減而遇景輒賦莫不標勝探幽詞流欵  
手因合其北征諸作選跋登梓與世共賞焉

汪懋麟 季角蛟門江南江都人  
百尺梧桐閣近詩

進山

首路入張夏東行道轉惡重重苦厭山嶒嶒亂石錯崖谷勢  
多蠢村墟莽寥廓居人形骸黑項瘦足驚愕亦有桃李樹參  
差長谿壑無人祇自花春風枉零落憶昔游吳會峯巒秀如  
鑿澹蕩頗趣人豈必尋五岳

兩騎駕長輿搖搖勢反側頭風兼目眩石徑苦逼仄僕夫有  
常程那得暫安息悄悄望村烟忍饑待晚食黃塵變僮僕對

面盡土色吾勞固有營爾亦慎乃職陟川防巉巖綠山恐荆  
棘艱難仗汝曹行行各努力

曉行泰安道岱嶽青峨峨日出未分明烟光相盪磨有如鵬

非親見那知

慎墨堂



鳥翼垂雲勢婆娑。又如海上鰲駕風。興層波。吾昔登嶺半遠。  
聞樵採歌。仙人舉手笑。邀我騎雀過。往來七八年。塵跡空蹉。  
跼今晨一遙矚。使我感慨多。  
暮宿羊公村。朝趨東蒙山。相踞百餘里。層岡如重關。上嶺復。  
下嶺。俛仰煩躋攀。峯頭日色慘。山風吹我顏。澗底白沙走。清。  
泉聲潺潺。顧我久勞苦。何如流水間。  
谷風吹陰雲。雨溼青駝寺。千巖淨如洗。刻露石狀異。狼狽泥。  
濘中道。澁車欲墜。客行貪前期。沾濡那復避。亭亭望村墟。夕。  
陽轉斌媚。天桃然殷紅。踈柳間新翠。北地特秀發。而有花源。  
致。賴此豁雙目。攬轡慰顛顛。

出山

山行已五日。風水雜亂聒。雨霽及伴城。始覺原野濶。回首眺。  
疊嶂。荆莽劃然割。徒侶色坦坦。自矜免顛蹶。疲馬亦驕馳。啣。  
草嘶且齧。物情厭險阻。况我孱弱骨。寄語宦遊人。關山不可。  
越。諸詩全做少陵入蜀。乃用其音節。而能抒已之性情。此謂神似。非形似也。

雨不絕

四月五月雨不絕。田家老農淚垂血。雷霆不時號令乖。禾稼。  
爛死。飽魚驚衾。糶換米日過午。那能租稅完。官府城中廉吏。  
雖父兄胥吏。征求勢如虎。可憐酒肉臭。朱門道旁。今有餓死。  
魂。仰看雨勢猶昏昏。人言民窮財盡。予以為不然。災荒之餘。富者愈富。而貧者愈貧耳。此言誰。

為告之 當專

河水決



黃河衝決淮河盪白馬湖中千尺浪。淮揚城郭雲氣中遠近。  
 田廬水光上。人行九陌皆流水。螺蚌紛紛滿城市。築岸防隄。  
 急索夫里中。徭役齊追呼。富家出錢貧出力。觸熱忍饑不得。  
 食十日築成五尺土。明日崩開十丈五。  
此等詩真可入長沙疏監門圖

喜孫豹人至京

人生如鳥目邊過。別君三載習慵惰。幾欲作書筆懶操兀兀。  
叙次都妙  
 竟同蟻入磨前月。聞君將北征。欲信不信夜起坐。知君久已。  
 絕西笑。白首灰心守寒饑。豈意翻然自天落。白髭苦被淄塵。  
 宛執手慰問還酸辛。自言老瘦厭鞍馱。遠遊昨自天台還。瘡。  
 疥侵欺覺孱。悞刮毛龜背。瓊不成。豈向天涯惜顛蹉。家有六。  
 女兼五男。日辦嫁婚苦無奈。故人紛紛散京邑。買山十萬錢。

誰破黃埃滾滾夾馬糞。雜選柴車奔軒簸。高人舊樂泉石清。  
逼真  
 惡水溝頭臭欲唾。抗懷不欲京兆知。落葉長安句羞作。君止。  
如此主人正自難得  
 脫帽坐我堂。白飯正炊芻已莖。薄薄卯酒共飲之。菊蕊新寒。  
貧士客遊之苦京師風土之惡篇中備悉寫出  
 朔風大。

貸米

舍人長饑救無策。寸廩一月米一石。大官半歲倉未開。十口。  
 嘈嘈急朝夕。糟糠養賢古所歎。今已不及廝。養役日望斗筲。  
 始飽飯。只恐遂作溝中瘠。厨人晨報米甌空。小市往貸遭薄。  
十分摹擬  
 責折鈿賤值不肯換。家人正苦饑腸窄。徘徊故繞籬菊黃。慘。  
 澹低窺灶烟白。年來北食學啖餅。廢春欲磨了無麥。妄想白。  
 稻兼紫蠟那得紅。秬與青。籬長鬚遠貸五斛米。對我矜誇有。



奇畫主人大笑爾且餐酒掃秋齋招飲客○如○此○主○人○應○得○受○餓○索米長安光景寫得可惱可笑

筆墨游戲一至于此

### 石車行

四輪轟轟連二車兩行百二青驪駟中載巨石屹山嶽車上一人聲喧呀手持大竿鞭衆馬竿繩搖動如長蛇車聲動地作霹靂所過街市場黃沙試問輦石此何用甲第新築侯王家山上白石採已盡城中土木方無涯○豈○不○可○歎○神似張王樂府

### 過安豐訪吳野人陋軒不遇

到此忽相憶安豐老布衣過橋逢野市隔水問荆扉鹽井孤烟起魚習落日微○老○氣○無○敵○可憐栖隱處乞米不曾歸○結○得○道○只是想到陋軒便有此一

詩首好

### 寄劉玉少客遷安

一年羈魏闕七月度居庸近塞風霜早當關劍戟重疲民栖○何○城○舊壘戰鬼哭殘烽君是書生輩逢秋易慘容○北○地○豪而警

### 送梁予培歸真定時間司農公使粵將還

一鞭思鉅鹿兩日別揚州殘雨侵官道春烟上驛樓人歸恆獄遠夢繞粵江流聽說羊城節平安下嶺頭○詩○史○極整極細于此徵其學力

### 送梁承篤令錢塘

白蘇曾作守遺愛有長隄舊樹何人折殘鶯空畫啼君行須種柳暇日並疏溪南北高峯在新詩任醉題○好○種柳疏溪風流經濟皆見

詩亦淹秀

### 西山雜詩



何限前朝寺香山此最幽裂雲開絕壁架壑起層樓萬乘經

過後雙泉空自流欲收京邑勝袞袞到峯頭

一道山泉響周遭總白楊鳳樓傷貴主龍種葬諸王粉蝶飛

寄鄧孝威

荒殿山花倚廢廊樵蘇新有禁流涕讀宸章

○開○口○岸○世○

○此○等○用○筆○全○學○古○人○

送金長真太守之任揚州

○老筆一氣寫

○去逼真少陵

○悲○秋○是○別○筵○酒○伴○更○知○何○地○會○詩○名○浪○得○幾○人○傳○著○書○能○事

○輸○君○久○顧○我○羈○栖○只○醉○眠

○十○度○春○風○錦○繡○溪○豫○州○名○與○賈○侯○齊○傾○城○車○騎○攀○河○上○滿○路

○笙○歌○待○竹○西○澤○國○黍○苗○多○在○水○江○邨○楊○柳○半○盈○隄○此○時○父○老

嗟來暮五馬何須惜障泥

郡亭形勝枕平山六一先生政事閒萬朵荷花湖上至兩行

官妓月中還文章太守今重遇賓從清游好再攀但恨林泉

僧占取蜀岡蔓草待君刪

四并堂開霽日紅君才綽有昔賢風梅花賽雪陰何遜芍藥

成圍宴魏公亭訪無雙花旖旎樓登第一月朦朧夾城燈火

從來盛不在尋常水旱中

野店重來眼倍新依然京洛倦遊人勞勞不記途中曆但見

題詩又四春

使君自汝南移守揚州寫得離離蔚蔚

○只○以○此○

○事○囑○太○守○何○等○心○腸○

○說○出○揚○州○繁○盛

○逼○出○使○君○風○流

○感○

○可○

○

楊花滾雪送殘春下馬臨街索酒頻墟上主人知姓字問余



何事久風塵

筆意甚婉

南苑雜詠

萬馬從圍不敢馳，翠華搖曳日邊移。  
忽看一騎彎弓出，射殺如拳小兔兒。  
平頭奴子逞身強，秃袖橫衿鐵襖襠。  
倒折楊枝鞭白馬，跨鞍不用紫遊韁。

日落平川較射時，腰橫大羽箭三枝。  
從容中得垂楊葉，笑挽

離弓上馬騎

與上二絕皆盡寫其雄壯

萬里天河暮色冥，紅旗風捲夜聞鈴。  
巨羅滿酌西京酒，醉倚營前看大星。

幾日沿郊看打圍，無邊風露冷沾衣。  
何曾獻得長楊賦，疋馬

青衫冒雨歸

身叨侍從才擅馬揚故染翰飛箋皆能一一傳其盛事

途中雜感

黃河東去海雲孤，十月霜風草木枯。  
望到故鄉先淚落，一鞭斜日過鍾吾。

唐調獨絕

過東郊家人指亾姬墓處

錦瑟朱絃久不聞，招魂何處覓金裙。  
無端敗葉殘楊裏，說是朝雲四尺墳。

難為遣此

徐乾學

原一健菴江南崑山人歷游草

入晉四首

十月朔氣厲，凌晨渡滹沱。  
寒水塗驛路，嚴霜被樹柯。  
重裘肌尚栗，浩飲顏難酡。  
客程屢迴互，歲月忽以過。  
首山旣缺莽，抱



續亦透迤駕車復西邁感慨發清歌

淮陰昔戰處山勢何崔嵬當年建旗鼓智勇亦壯哉成安泚

水死左車戲下來破趙方會食一舉若迅雷○指○顧○蒼○京○我行井陘口古

路多蒿萊寒鳥夕已斂浮雲慘不開殘碑有遺跡下馬還徘徊

循

亂山連西極蜿蜒不可窮高嶂插天起晉陽一線通涼秋下

霜霰昏且蔽瞳朧瀑流祇辨響色與凝雪同戰壘吹邊管牙

旗捲朔風飛鳥尚難越九泥固可封重關護燕趙天險何其

雄

疲驛近壽陽皚皚積深雪飛泉瀉虹梁亂石妨車轍古道存

顏垣人家盡陶穴荒祠藏野雀枯樹鳴鷓鴣寒風浙瀝吹手

敘述風土最為堅蒼

好

足俱凍裂村酒不醉人憂來常鬱結

四詩氣體在仲宣于建之間然又不徒襲

其音貌所以為佳

楚中詠懷古蹟

鄂王有故城江東建赤縣樊山在其陽落日照春殿北退皖

口兵西罷獠亭戰釣臺高嵯峩君臣極歡讌○對酌雖非混一時雄

畧千古見吾誦謝眺詩揚舩去還戀荒亭倚大江奔流疾如

箭霜楓下吳宮夜猿吟楚甸霸圖久銷沉流傳但餘絢○廣燕亭

典午喪亂餘大厦將傾倒赫赫陶長沙江東資再造羽葆巴

丘來居中便征討南陵至白帝威行萬里道榮寵極人臣勲

名兼壽考天門飛不至祠廟圖丹青石樽出廢宅柳色明郊

坳斯人雖已泯彷彿思精靈○陶公宅



軒轅駕六轡南紀窮熊湘張樂洞庭野意氣凌八荒鑄鼎荆  
山下騎龍升帝鄉小臣攀髯墮仰視涕浪浪傳聞昇仙處極  
目空青蒼墳典既闕畧方士多荒唐徒使茂陵客聞之心欲  
狂軒轅臺

雙流蒸湘水獨秀石鼓山直北拱衡嶽四向紛烟鬢武侯駐  
車處遺廟蒼厓間草猶青綸色花似朱旗殷日暝山氣落流  
水聽潺潺吾聞渡瀘役為討西南蠻此地一來往千古還追  
攀孔明廟曠攬江山根據經史而行以已  
之妙筆殊情遂為一時絕調

隴山歌送許天玉之官安定

隴山高高隴水流隴西六月如清秋蕭關朝邗近北地酒泉  
張掖連涼州諸葛戰征餘故壘隗囂宮殿成荒丘繡衣按部

求名馬入許侯有次第都護行營耀錦裘數聲羌笛落梅怨一曲秦箏邊月  
愁許侯分符萬里去曉發青門擁騶御虞翻成名在此時王  
尊叱馭看前路京華故人折楊柳欲行不行日漸暮我歌為  
作隴山詞目極輪臺鳥飛處節繁調高氣雄彩壯此為頡頏唐人之作

撤棘後贈葉元禮

之子南方秀本自凌雲姿清光滿滄海濯濯珊瑚枝年華艷  
朝日藻影臨咸池秋風吹金臺來唱刻羽詞豈惟傾側一時  
耳使我識曲情為移天馬驟驪亦驤首雪花散彩精權奇秣  
燕刷越超滅沒齧膝不敢加金羈道逢良樂休歎息明日追  
風空萬匹人間遇合會有時暫放龍文豈終失君不見吳山  
高高開館娃館娃越女顏如花羅衣着體嬌無力六宮朋粉



徒容嗟只言富貴當如此曾向春江自浣紗  
後段妙得此興之體而全

詩逸秀何減右丞

### 北征口號

汴水金堤險黃沙捲暮雲戈鋌終未息  
筆策那堪聞萬井疑通體  
狐火千村散馬群夷門衰草畔酌酒信陵墳道老  
金輿帝子去朱戟故宮存麋鹿穿陵寢魚龍入廟門連雲艮  
嶽迴落日大河奔老監曾驂乘歛歛話舊恩差義蕭瑟難為卒讀  
邯鄲臨古道睥睨立叢臺綠樹千家合紅塵百騎來思尋趙  
勝客誰問左車才一聽悲歌者聊停逆旅杯直起逼古  
杵嬰存趙義豫讓報恩心此地人今沒千年澧水深土花開  
驛道春草積碑陰我獨何為者天涯徒苦吟感激殊深

真人三尺劍草昧試雄圖帳殿丹青古雕檐神鬼趨山川仍  
沃衍風俗尚淳愚遺構傳新莽猶持威斗無壯處濶處直入少陵堂與  
韓信論兵處高壇細雨來燕因空壘住花傍戰場開符節馳  
諸道車書徧八垓閒來鉅鹿下弔古一徘徊

### 題涿州店壁

行過樓桑路悲歌獨苦辛幾番題壁客十載上書人馬鐸終  
宵漏牛車盡日塵不逢荀僕射那識是勞薪用事翻別

### 北歸途中作

策馬不言倦吾心愜欲歸縱然別愛弟最喜近慈幃修路愁  
雲暝寒天共雁飛故山風物好橘柚已成圍  
廿載勞塵鞅神州數往還舊時嵇呂契強半弃人間白草荒



殘驛黃雲護壯關山陽聞笛處酒涕一追攀

思親懷友情  
誰何其真篤

贈耿又樸編修

如○此○起○法○高○邁○之○甚○  
慷慨聊城箭高風想魯連荒臺何處是飛鳥下寒烟彩服故人去高軒遊子還瑤華昨日寄遠道已綿綿

贈朱卽山簡討

衰衰同袍別驪歌不耐聽杪秋看落葉去驛似流星獨爾遲  
驂服偕余醉醪醕前程尚留滯何日到蘭亭  
一氣呵成而  
踈秀則不減

蓮青

桃源

行過桃源古木稀朝朝霜色上征衣瀨河城似荒村寂夾岻  
帆如亂葉飛雁叫遙天寒雨暮馬嘶空棧夕陽微遺黎猶道

最○有○關○係○  
徵求急早晚征南鐵騎歸

宿遷

柳葉高原朔氣吹暮秋景色更凄其寒風城角鍾吾國細雨  
河邊項羽祠駐馬呼僮沽濁酒下堦携客覓殘碑浮雲西北  
連豐沛不盡英雄萬古思  
豪情  
噴薄

西苑詩四首

丹禁晴開晝漏遲上林春水綠逶迤金堤柳弱龍媒下玉殿  
花深雉尾移露氣暗連三島月風光先到萬年枝宸遊扈蹕  
宜春苑多是青烟禁火時

綵橋珠箔壓芳塘玉露金莖接建章三素雲霞融晚色九成  
臺殿護朝涼樓船欲下荷風動鏡檻平臨藻影長最是昇平



多暇日從臣無事奏長楊

馳道朝回散玉珂昆明霜潔鳳輿過排窓翠黛爭嵐入夾岸

黃金着柳多闌苑層城圍御氣明河秋水接通波風前睿落

飛揚甚不數橫汾一曲歌

好文自是實錄非闕溢美

太液凝雲淡不高水邊亭榭總迢迢蓬萊雪滿初移蹕鳩鵲

寒多早散朝翠袖香爐開別殿玉河帆影凍平橋東郊未轉

迎春仗花氣依微近九霄

四時景物寫得端麗風華固是岑賈絕唱

### 龍光塔次王仲山原韵

雄麗

層層珠綴護香臺影落芙蓉四照開震澤烟光吹不去西神  
峯勢引還來清秋羽翮盤鷹隼中夜星辰挂斗台金碧忽驚  
從地湧使君元是棟梁才

### 贈葉萊蕪姑丈

瘦馬寒霜過亂峯入門秉燭話離棕正逢蕭瑟將闌夢各訝  
風塵漸老容抵掌河漕天下計舉頭壇墀萬年封雄談豪興  
還如舊更漏迢迢琥珀濃

叙情後忽爾雄情溢發音響直欲穿雲

### 峒嵒

行過馬陵路黃沙望眼迷村村榆柳盡辛苦為河堤

開係語

### 宿遷道中

黃河與岸平沙草連一色倏忽逝金烏寒颺吹不息

正合唐人

風調

### 贈趙秋水

鳴犢祠邊別爾歸雷塘瞥見涕沾衣可憐楊白花如雲日逐



東風處處飛

青蓮佳境

湖州送張菊人

碧○浪○湖○邊○桑○葉○齊○夾○山○漾○口○早○鶯○啼○相○逢○莫○漫○愁○離○別○箸○酒○  
新○香○醉○似○泥○  
只作慰留情思委婉

湖州雜興

侍○郎○亭○枕○鱷○溪○邊○陸○相○祠○荒○草○色○芊○猶○勝○城○中○韓○廟○裏○閒○時○  
繫○馬○梅○筵○前○  
予昔在端州見學宮皆為牧馬地此固實錄

任丘見王西樵考功題壁

新○城○王○六○謫○仙○才○駭○雀○雲○中○去○不○回○旅○壁○留○君○詩○句○在○寒○燈○  
土○銜○有○餘○哀○  
令我裴徊

河間見王阮亭題壁

古○驛○斜○陽○聽○鐸○聲○分○明○棧○路○蜀○山○行○讀○君○題○句○成○先○識○大○道○  
才○人○過○錦○城○  
阮亭題云雨中鈴鐸聲如行蜀棧道後果使蜀

贈歌者

柘○枝○舞○罷○憶○家○山○落○日○長○楸○走○馬○還○絲○管○春○風○急○相○待○莫○因○  
霜○色○損○紅○顏○  
憐惜之甚

值合肥座主家童有感作

淒○清○薤○露○不○堪○聞○獨○抱○銀○箏○別○主○君○門○客○更○看○朱○履○散○楚○天○

哀○鴈○叫○寒○雲○

華○屣○矍○設○燕○時○藏○鈎○記○得○酒○行○遲○逢○鄉○便○作○西○州○勸○不○用○

悲○吟○子○建○詩○  
端毅自廬州莖親還道拜大司馬一時賓客迎候江淮者如雲今秋喪舟泊邳關而平時

故人罕過暗者讀健菴詩為之太息



予嘗論健菴詩以漢魏四唐為主不雜宋人一筆是能主  
持風氣不爲他說所移者把晤維揚盡傾笥中所藏汲余  
黜定因歎吾道不孤亟須  
臺閣諸公力追正始耳  
何天寵昭侯素園直隸宛平籍浙江山陰人  
紫來閣集

贈表兄吳八金吾孟浩

叙次家世得之少陵魏佑王冰諸篇

神廟有元老經畧東西疆出建大將旗入縮司馬章季女寵  
也母諸孫皆雁行次兄二千石大兄衛明光最少家帝里白  
眷此最良十五耀裘馬歸羅邯鄲娼坐客曳珠履賜書擁石  
倉二十侍前星上書謁未央當年俠游子今爲陞戟郎騎從  
一何都桃李一何芳功名可自致誰能藉膏梁報恩方竊許  
天地忽低昂悠悠二十載七尺無完裳阿弟千里至燕市同  
佯狂飢來各自慰嘯咏連匡床青青岡上桐高柯遲鳳凰蒼

蒼○山○頂○松○虬○枝○歷○雪○霜○短○衣○兼○皂○帽○見○人○辟○路○傍○覽○鏡○各○已○  
絲○何○如○還○故○鄉○  
此從古詩焦仲卿諸篇脫化得來與唐古迥別

康郎山阻風

康○山○橫○鎖○彭○湖○曲○古○廟○老○槐○蓋○湖○綠○三○十○六○侯○碧○血○寒○昔○日○  
披○金○今○報○玉○此○事○干○今○三○百○載○風○聲○濤○聲○怒○不○改○謝○公○游○屐○  
戀○東○山○八○公○草○木○兵○安○在○劍○佩○森○森○滿○烟○霧○昨○夢○將○軍○倚○大○  
樹○告○我○莫○悲○游○子○暮○贈○我○長○風○爲○我○渡○  
數言耳讀過疑有靈旗出沒

露筋祠

女○郎○薄○暮○射○陽○來○湖○邊○白○鳥○聲○如○雷○烟○水○蒼○茫○歸○徑○黑○欲○前○  
不○前○茅○舍○側○大○嫂○入○簾○海○燕○栖○小○姑○露○坐○夜○烏○啼○美○人○一○夜○  
捐○膏○肉○臨○風○骨○立○行○人○哭○千○年○皎○日○照○長○湖○誰○言○冰○玉○委○平○



○詩觀二集二○  
蕪祠門夜閉沙如雪文姬到此笳聲咽  
敘事古雅蒼潔非浸淫漢魏者不能

弋陽山曉發

○落月起晨鴉○山城楚色遮○驅車歷斷石○涉水上崩沙○烟合松間路○鷄鳴樹杪家○客程殊未已○相慰是梅花

故園

○故園殊可樂○何意任飛蓬○萬壑桃花雨○千村竹箭風○玉函神禹穴○翠嶂越王宮○登岱應回首○鷄鳴滄海紅  
全詩典麗結更矯健

午發歷城別友人

○祖席開晴炤○離亭傍聖泉○雲沙岐路色○風雨寄懷年○馬首圍青嶂○鷄聲上白烟○知君還佇望○未敢遽鳴鞭  
純是青蓮佳境

宿遷項王故里

○仗劍終何適○驅車西復東○懷君有故里○負汝亦重瞳○諸將分秦鹿○鴻溝拜楚弓○雄圖雖不就○亭長藉成功  
非是翻論是正論熟讀楚漢本紀方知

寒食登雲起樓分賦

○春依烟柳問山泉○一路花香夾畫船○石磴每經芳樹歇○峰陰平眺太湖連○行厨送酒銷寒食○蠟屐登樓話昔年○坐看千村游興劇○翠翹紅袖暮雲邊  
選聲必妍設色必麗固是當家

淮安守凍

○長淮東接射陽湖○千里鄉心寄舳舻○豈道朔風催夜凍○難將蒿酒問當壚○雲低沙岸魚龍寂○日暮江帆鳧雁孤○強欲裁詩寒更徹○故人紅燭煖瓊瑜  
歲暮客途自多騷屑而詩更兼逸氣



送人

君去桃花落別筵。春風一路馬蹄前。爭如野店低垂柳。能繫  
征人碧玉鞭。正是情深語

秋閨

年年月下擣秋砧。深院羅衫露已侵。誰道相思春色裏。橙黃  
楓老正傷心。春女悲秋士怨。得此一番妙妙。

明湖曲

南山風雨鮑城秋。北漲明湖宮水流。欲聽采蓮何處是。旗亭  
曲度小梁州。使白雪樓為之。何以過此。

寒食

千騎黃塵七寶車。鬢簪新柳踏晴沙。何人紅淚飄新塚。多是

頻年征戍家。有感及此

歸義驛

岳陽路徑繞烟鬟。擬見湘娥竹上斑。一曲羅江千疊嶂。雲深  
何處九疑山。音韻縹緲

昭侯為如須姜公首拔士發光二十載復奪職南宮其詩  
深穩和厚詩家正則也予強出之笥中乃錄其數首以行  
世令嗣嘉琳奇才  
早歿詩載別卷

張琴桐僊耐軒江南泰州人  
西湖遊草

同友遊南屏

薄言遊南屏。棹舟湖水岸。惜山欲遲行。峯巒時仰看。烟光過  
蓬萊。嵐氣出霄漢。盪入浮圖外。松聲始浩瀚。不覺暮靄重。但  
見青雲斷。翺翔顧吾侶。二子清且粲。遇我若無心。朗吟共把



玩

八月錢塘江觀潮歌

筆○有○驚○濤○  
 錢塘風雨乘舟入潮聲吞吐秋天急海門堆起一天雪頃刻  
 吹來帆影溼帆影傾欹還復行茫然兩岸雷霆驚千回百折  
 不解造物意何為寫出胸中怒不平怒不平來萬里浩浩落  
 落如窮士窮士奇氣不肯降請君試看錢塘江潮水錢鏐萬  
 弩射後何曾止道○甚○數行中無數奇山怪水

孤山

類寺連山嶺來尋六一泉清光迎竹葉僻趣落松烟猿狄寒  
 風急巖巖樹影偏講堂何所在流水自潺湲起得老結得  
渾中聯尤卓

夜至東塔寺

水閣分山寺臨窗統碧溪想○見○別○溪○賦○時○夜深孤艇入雪滿一橋迷僧臥驚  
 鐘響人來伴鳥棲開門尋舊榻煨火尚招提境界極幽  
筆墨極靜

蕪堤漫興

二○幅○似○黃○好○画○  
 南山烟水層層碧北嶺霜林淺淺黃欲過六橋尋野色偶然  
 雙槳破湖光漫勞寒雨添愁思即有僧樓樹遠望新柳依稀  
 桃未發青鷗白鷺寄滄浪

冷泉亭

悠○然○宿○然○別○有○世○界○  
 萬株松下對青山亭自悠然水自潺湲到處龍宮鐘磬杳隔溪  
 鷺嶺鳥猿閒老藤掛樹無冬夏絕巘生雲任往還久坐渾忘  
 身世事不知何地是人間筆力高迥故烟霞  
之氣霏微來集

保叔塔晚眺







送胡同升赴海寧幕

東南磊磊俊英多，仗劍遨遊歷大河。家在姑蘓烟水裏，詩成  
鄙上碧雲窩。沙寒月下嘶征馬，潮落江村響夜波。此後相思  
頻入夢，鴻音珍重寄岩阿。

針線極細非徒音節之美

秋日遊槐川書院有感

閒登別墅菩提閣，因上槐川望遠樓。臺榭敞傾堆瓦礫，蓬蒿  
滿徑繞鴟鵂。當年竹裡傳杯斝，此日溪頭乏釣舟。風景蒼蒼  
增慨嘆，霜寒落木古城秋。

寫廢景最為動人

甲寅九日馬鞍山登高復飲於高廟散步家大人原韻

地接行山灝氣繁，寒流影裡見花村。憂時未上安邊策，應節  
先傾北海樽。汲水僧歸臺畔寺，樵薪人渡板橋門。從遊此日

壯邁

歡無極，厭說征西車馬屯。

又是一番風景蒼茫在望

朱德宜 右之蓼天江南長洲人

留別王貽上

半年魂夢繞隋堤，繫轂那關手重攜。東閣開樽多逸興，選樓  
高唱續新題。雙龍氣挾秋濤壯，一笏霜清夜月低。別後瑤華  
時寄問，暮雲南望歎羈栖。

一掃寒蕪足稱正始

題畫寄友人

歲暮京華感鬢絲，秋山一幅慰離思。何時得遂蓴鱸願，柳畔  
漁磯坐詠詩。

詩情楚楚

歸鴻別鶴夜鐘殘，徙倚霜庭月滿欄。回憶故園梅正發，天涯  
相○看○画○中○看○

即離之間妙有思緒







晨光淨衆峰披襟入吾楚坐枕河洛與山川列堂廡漢濱槎  
頭編漁人始網罟壯哉形勝地從來爭戰所英雄銷荒煙墮  
淚碑如覩是知德在人詐力不足數冠蓋久荆榛習池暗風  
雨可憐大堤女春花開誰主為携襄陽詩鹿門一弔古  
沈雅

蒼鬱是漢魏遺音

題吳西澗亭子

不是飄零久林亭賞未真平原過十日芳草半三春蘋末魚  
吹浪花間鳥喚人枕書還命酒一倍為情親  
老而韻

晚泊巴河

江漲輕風力綠洲引暮船涼生薤葉上村到竹簾前螢火高  
低過漁燈次第然此身惟病賸祇合傍書眠  
光景寫得密麗

雨後課僕種蔬

跡與人情迥心隨老病棲蟬聲猶舍北秋色自湖西稼穡豐  
荒半饑冷爾我齊豆花雨正好相累種黃蘗  
事如情更好

張翁止宿

檐雲鬢鬢倚江邊籬菊蕭疎暮柳前漢上抱來空有甕成都  
卜後併無錢榻懸客夢生殘月酒醒鄉關隔曉天莫道一塵  
猶小隱青羊相憶計何年

巴河除夕

茅店崩沙小徑通野人歸盡暗樵風江聲萬里三更外春色  
孤舟兩歲中每向得魚矜釣客何曾籠鶴到逋翁幾時坐擁  
書連屋不把年華付轉蓬  
全詩氣健而格渾



晚宿東林寺

炎天驅馬到東林。薄暮逢僧坐柳陰。山靜漸聞鐘梵遠。雲高益覺月輪深。眼前虎嘯尋常事。夢裏蓮開咫尺心。几案諸峯都未見。青鞵何日徧幽尋。

幽而能亮秀而兼老

滕王閣

客心高閣獨裴回。萬古三春眼自開。水滙江湖銜樹出。烟籠城郭作雲來。差池燕子歸簾幕。蕩潏魚龍過酒杯。白首何曾能作賦。荒唐為羨子安才。

壯渾

青山 武昌城東三十里

一曲青山帶晚煙。扁舟也寄小邨前。星圍九埜栖鴻鵠。江到三更響杜鵑。未學鹿門耽隱逸。漫從石鏡問神仙。匡家兄弟

彭澤縣守風

彭澤城邊太寂寥。煙花終繞下江潮。六朝金粉東流去。我住揚州念四橋。

風韻撩人

以上係豫章遊稿

甲寅冬杪使君有章門之役時烽火戒塗人情危懼使君則擊戰長征嘯詠不輟歸而以遊草示予皆極奇情異致謹採其尤者數章以光拙選使今世知尚有祖士雅劉越石一流人也

董舍 閬石榕菴江南華亭人

恭閱烈皇帝賜先少宰公御

盛事

烈皇潛邸駕鈴鸞。手磔權當闢九關。六等已刊羣小案。三朝悉復黨人官。先臣分作江湖客。新詔俄除侍從班。佐憲振揚心獨苦。掌銓拮据勢尤難。十年紫殿聆天語。幾度丹墀覲玉



顏勅賜御書奎壁麗載歸蓬戶斗牛寒金題玉躐光逾燦鳳  
○此○等○處○轉○筆○最○健○  
 舞龍拏墨未乾最喜亂離能擁護却憐家世竟凋殘良辰展  
 拜焚香讀暇日登樓拭目看梁帝論書殊草草唐宗遺蹟本  
 漫漫縱橫共訝天資異晚晚旋驚睿藻閒祇擬光華聯斗極  
 那知弓劍挂橋山千秋賸有銅駝淚灑向蒼梧夕照間  
皇烈

御書歌有三一為嘉禾高寓公一為若水徐方虎並榕菴而三皆卓然可傳之作

山家詩

貧農苦無本米賤不得賒手携三尺籬入城鬻誰家  
 賴此造化力三時足并雨臥聞圩岸崩呼童連夜補  
○痴○農○如○是○  
 朝聞吏怒呼納履未及正寄語城中人莫言老夫姓  
 新通朝未措舊逋暮索償不如棄田廬去種他人秧  
年來多此

黃雲

倦裳舊樵江南泰州人悠然堂近稿

花朝飲故人梅樹下

荏苒歲月駛素髮亦以垂南村二十載重叩幽人扉登堂叙  
 情話時物正春熙但見早梅妍花辰聞鳥啼主人具鷄黍芳  
 旨出中閨勝地借舊歡慰我渴與饑鄙哉塵中事咄嗟良可  
 辭榮木吐芳華歲歲常如斯自余濶絕來虬幹或數圍襟帶  
○以○慨○歎○作○結○  
 尚乖隔况乃天一涯衰遲愛流光盛壯能幾時  
疎澹處極似陶公

除夕寄女兒甄梅

右軍愛兒女鍾情倘同之余有四掌珠大者方及笄遠嫁無  
 百里中心悵有違離居曾幾時候屈青陽期逢知循婦禮櫛  
 盥警鳴鷄汝性嗜芳潔凝粧對庭梅如何臘已盡未見寒花



開海隅斥鹵鄉地偏春或遲聊因家郵便折寄龍頭枝盛以  
小膽瓶前代宣德磁綠窓接香影舊夢猶依稀汝母坐我傍  
○正○爾○無○盡○  
泪下如綆縻

前說寄梅瓊瓊絮絮大有與致忽着  
汝母兩句不覺骨肉情長涕淚橫集

曉發鄴陵不得晤鄭公任附菴僧東寄  
夢中尋友千萬里到門無繇見公子登車灑涕拂衣去臨發  
援毫留此紙古人書疏當面談誰識深交吾與爾自從辛巳

締蘭盟四海豪英聚邗汜歌呼觴詠無晝夜金谷南皮安足

擬就中尤暱吳陵生肝膽投君君不鄙剡溪之棹勞往還江

東郵筒如尺咫滄桑遊戲託鄭虔寄我瑤華佐沉水思君卽

啟篋中書銀鈞跪讀勝雙鯉隔面俄驚三十秋言念行藏殊

足耻前此腰鎌劓蕨薇丁酉改絃迄壬癸萬事蹉跎原是命

君之浮沉良有以平生受知陳桐鄉丙戌大難繫美里不才

輒當鋒刃衝呼號奔救得不死尊君中丞坐東山方為棟梁

存杞梓胡然騎箕厭塵氛予亦終天痛失恃君乃蔽迹泥水

村讀書射獵安餘齒雲欲葬親兼葬師桐鄉孤櫬無撫視以

此依人作遠遊急傍朱輪入燕市經過無數待深論惆悵斜

陽閉西第停車一榻寄松房枕上明星爛窓裡關城吹角催

東裝屈指長途日凡幾三月十九鼎湖辰傷君憶友繁愁起

君若還家問老僧前路白雲予去矣

君親師友之際叙得  
錯落委曲想抽毫落

紙時應是  
百端交集

汴城上方寺禮鐵塔同金在五姜  
汝臯蔣曾策  
浮屠沙裏出高齋十三層視下蟻垤小躋巔猿鳥能齋心禮



古佛携手得良朋。舊物惟餘此中原。閱廢興○有○力○量○。一起○。定本○。結最妙。

香山宿來青軒○次壁間王敬哉先生韻

望都亭上望斜日。影朦朧。烟樹迷茫。外山河指顧。中泉聲隔。梵唄虫語入松風。伏枕無窮事。灰心佛火紅。○妙○。結語妙在不說出。

興教寺僧房感舊同羅景有先生賦○甲午春先生携尊招同崔正誼張仲

若黃心甫梵上人夜集有美人侑酒今已大半奄逝

記得招提聚金尊。勸莫愁。五君三下世。廿載一同遊。世事真泡影。年華似水流。祇餘斜照裡。雙樹寺門秋。○餘○音○繚○繞○。人言愁我亦欲愁。

靖江晚眺

客路羈瀾港。風波盡日狂。潮聲連夕照。帆影亂江光。黃歇分封地。孫權牧馬場。暝烟迷極目。無限使神傷。○如○雨○

贈梁弦侯○飲光令嗣

一別換鬚看青春。萬事非計年。交最早。多難會全稀。巢覆存遺卵。家貧掩破扉。東門楊柳路。相見倍依依。○忠貞之後往往淹抑不振

可勝太息

過汴梁廢宮作○今改貢院

黃河灌後事堪傷。全盛東京憶汴梁。烟鎖閒花新使院。鳥啼垂柳故宮墻。滄桑訪舊少遺老。樓觀憑高空夕陽。亂定招徠三十載。蓬蒿猶有半城荒。○蒼○生○之○感○。中原久為灌莽。而年來稍甦。奈天未厭亂。其若之何。讀結二句。

令我愀然離座而起

朱仙鎮題岳廟

百戰收功指顧間。岳家軍令重如山。班師似出高宗意。逢惡○二語是史○



徒成秦相姦○往事不平空浩歎○黃鸝無緒自間關○金戈鐵馬○  
縱橫地古廟猶存○落照閒○  
○勁○挺○

邯鄲登藁臺

聞道邯鄲滏水側○一丘野花相對開○城郭幾更非○趙國山川○  
猶指是叢臺○風沙滾滾征車過○塞草青青獵馬回○短衣騎射○  
定有意○昔日武靈安在哉○  
○涼○且○見○此○結○  
○歷落○有氣○

和王敬哉先生九日宿來青軒懷舊

漠漠層嵐暮靄橫○荒田牧馬正悲鳴○當軒睿墨存前代○多病○  
孤筇剩老生○幾點紺黃楓樹色○百年幽咽澗泉聲○曾聞太史○  
藏書處○重過題留最有情○  
○從御墨上生出情緒○離離落落大足動人○

婁東脩復前觀察馮留仙先生祠宇

憶昨驚心丙子年○誰將隻手獨扶天○舉朝半醉烏程酒○名士○  
拚沉白馬淵○黨禍消時公又死○奸謀用後社俱遷○寧知九廟○  
丘墟後○俎豆東南有數椽○  
○鬚眉恍爽言詞英壯○足為一代正人吐氣○

仲子泰來就婚宗氏山庄呈定九姻翁

遠携少子就東床○春近山村草漸芳○小院窓梅窺玉鏡○短轅○  
壺酒繫烏羊○幽居心羨田園僻○垂老情牽兒女長○過此一婚○  
身債減○那能五嶽恣徜徉○  
○讀此詩能令人老○

桃花塢集蔡九霞齋中兼示門人右宣幼淳兩令嗣

艸堂沽酒聽黃鸝○櫻笋江南四月時○門颺柳風花似絮○座聆○  
客語飯成糜○末流毀譽何容亂○千古文章只自知○六載重逢○  
雙鬢改○又堪烟浦唱將離○  
○何○出○人○意○表○  
○情款溫篤而風調則極高華○



同宦問臨邛集旗亭

山園過盡又紅橋。不惜尋梅二里遙。野店競開臨水際。遊人  
漸盛逼花朝。香芹味美登華俎。新燕身輕掠畫橈。何事當歡  
忽惆悵。哀鴻耳畔酒能消。  
○極○雅○  
○此○感○觸○  
○于○情○事○絕○無○旁○溢○却○風○味○  
○澹○雋○如○遇○殷○劉○一○輩○人○

重宿南山寺

城南歸棹記殘春。半載重來迹已陳。秋寺雨荒黃葉徑。松門  
犬吠白衣人。仍牽行役勞難靜。豈獨居憂病且貧。鷄骨禪床  
聊偃息。垂思何事不傷神。  
○兩○句○情○景○俱○出○  
○自○憇○自○歎○語○語○  
○皆○從○肺○肝○流○出○

重過秣陵不復見顧與治

數年不復賦南征。舊路重遊百感生。流水板橋桃葉渡。斜風  
細雨石頭城。誰人齋酒迎中散。當代論詩失顧榮。宿草一庭

三徑廢。偶過門外馬頻驚。

○二○語○便○含○感○歎○  
○字○字○深○感○却○出○之○和○婉○不○  
○覺○此○種○風○味○亦○極○似○與○治○

題王安節畫

半嶺訪茅茨。門前百年樹。却訝溪雲深。回頭失歸路。

○令○我○  
○忽○墮○

○雲○霧○  
○中○

題程穆倩畫

東南山水佳。佳在最深處。瀑布隔層峰。松間有路去。

悠然堂同野鷗夜坐

清夜軒開水寺西。竹松無籟月廻堤。不因對坐三更後。那聽  
牆陰絡緯啼。  
○詩○中○有○画○  
○靜○

龍亢贈逆旅主人帖氏

帖木名臣佐。大元龍崗今。有子孫存。停車逆旅。挑燈話猶記。



先朝養育恩

各有家鄉本原經  
腐儒便一筆抹倒

過夷門

依舊夷門汴水濱。絲來豪傑混風塵。馬前莫忽司關吏。恐有

抱關侯姓人。

舟州過封丘有句云馬前黃綬令  
勿跪恐有當時高蜀州全此意

仰蕪樓重遇古愚上人

虎丘精舍吟詩處。三十餘年再款門。別後滄桑多少事。青山

猶有舊僧存。

與故人尚有何  
哉在同一感歎

鴛湖

宿樂南湖枕碧波。鄉心一夜度隋河。憑誰喚醒征夫夢。斷續

鳴鷄雜榜歌。

楓青月白  
令人神往

仙裳詩南音和雅北音高壯美擅諸家矣乃屬予論次最  
切予與仙裳童穉情親論文輒合固非僅縞帶之跡也

程守 非二蝕菴江南歙縣人  
省靜堂集

寄答汪扶晨

行○蕩○念○巖○棲○入○門○思○海○甸○大○都○落○柘○者○夙○夜○各○相○羨○別○子○在○  
方○舟○春○烟○漏○星○漢○遲○遲○歸○去○來○林○影○蒼○黃○半○反○復○詩○三○篇○分○

明錦一段章句逼古人於茲性情見久非蠹書魚自知今士  
賤我止君不歸胸懷並非善 蕭然數言性情具見正  
復人言愁我亦欲愁

登姚永言廷尉康山草堂

有友別河梁歸來徑未荒。屐痕無自減。檣影至今忙。偃蹇文  
章運沈吟瓦礫場。紛紛歌吹起。可忍問平康。 今康山已易  
注堂榭頗為

壯麗此猶贈廷  
尉者固不堪讀

約孫桴亭家維東舟汎



白雲時出沒指點問黃山并屬中年後何怪一月閒望春無  
別閣消夏更茲灣詩思凭欄好鳴鳴夕照間

雪汎同桴亭

此中非剡水乘興是黃門樹老多藏寺梅榮易見村靜來惟  
瀑響寒極覺鑪溫角鼓憑他動無嫌襍被存

送汪扶晨之維揚兼懷孝威野人豹人諸子

祇在江南北離懷自覺賒村村香是茗岸岸綠如花畏作侯

門客言尋世父家登仙舟可附依舊望無涯

弟畜為吾弟山尊春潮話苦辛此行如故里終日對詩人歌

吹憎余老圖書慰爾貧歸期原不限堂上有慈親

情一筆  
寫出

扶晨與  
山尊交

不及過曹聿修

即今能覲面應各話酸辛未問雲巖道長懷汝社人杯多文  
自足研潔畫相因照映祗君在戎戎萬綠新

蹊逕之外  
別有情味

秋夜舟進楞伽山

聲多款乃入蒼茫看我雙眸別有償泊向橋陰收塔火吟來  
磴外挹湖光管絃反認雛姬苦香笑微增倦客傷即不少年  
傳串月隋碑讀後可匡床

讀之令人靜穆  
如晤深山道流

經弇州故居

藝場漸欲息紛紜常為熙朝一羨君蘆荻半畝如蚤雪木蘭  
初泊正斜曛先生廣道非難學此日清才更不聞滿路山蒼  
兼海曙旅人那再覓遺文

絕不學弇州詩  
所以能贈弇州



喜汪扶晨歸里柬寄

紫霞山下絕纖塵。先世圖書日日陳。盛暑涉江非熱客。長貧閉戶總羈人。遲來閣外敲詩夜。喜此田間食稅辰。行李難歸歸亦得知君欲慰。倚間親有傲岸之色

黃傳祖心甫江南無錫人

崧光菴

入寺歷幽磴。看日青光侵。修竹障萬竿。徑狹滋蕭森。泉脉不旁溢。屈曲逢有尋。數筒列並地。一一供清音。深綠映一片。鳥飛難出林。初夏非秋冬。丹葉委石陰。舊遠絕人世。非藉勢崎嶇。茲徑闢何曆。蒼蒼積古今。

幽蒼深細山水間靜心領會乃有此詩心甫首倡選事所宗尚不一而為風雅功臣

王

清

水壺山東海豐人留餘堂詩

守風

昨日復今日。狂風大作梗。波濤一何怒。尺水增俄頃。渡口罷舟楫。過客但引領。畫鷁自傾欹。何況于舴艋。兀坐船窗下。筆牀不能整。仰美雲端鳥。遙看天際景。中夜問榜人。臥起衣裳冷。何當風泊倦。乘流挂帆影。庶無終朝患。念此常耿耿。

蒼勁如鐵小家弱筆望之退避

晚泊臨清

征橈行未歇。彌望野雲漫。漁火林中出。人煙霧裏看。風連塔勢動。月映水光寒。寓目堪排悶。誰歌行路難。

然奇句却是真景予登海鹽塔亦有塔勢連山動之句

奇何



次任城古南池用杜工部原韵

勝地人偏賞先賢此放船小亭宜載酒高樹想聞蟬露下梧  
桐影霜清菡萏天典來忘逆旅隨意藉青氈

阻風湖中

天望馬陵近淹留不自由風將素月冷浪並黑雲浮細細幾  
沙鳥飄飄孤客舟波聲偏入耳竟夜使人愁

韜光庵

茲地信幽絕捫蘿直到巔蒼崖生暗雨翠竹帶朝煙磴道行  
來斷泉聲飛處連山僧能解事徵句漸成編

李坦園先生園亭落成賦贈

未惜登臨費名園選勝開層軒窈窕入花逕逶迤猜十畝聊

為圃三春數舉杯因君清宴暇常得共徘徊

悠閒靜適與他處丘壑不同

愛茲城市裏岩穴氣相親嵌壑雲煙變亭臬物候新層軒寧

畏暑小草自知春金谷何堪數幽懷羨主人

小草自知春天然妙句

李望石園亭招飲

神臬開異境丘壑意何多畫鷁依蒲葦芳塘足芰荷最憐邀  
月飲况復向燈歌不盡登臨興還期一再過

整中忽散大是老筆

遊桃花山寺

古刹溪山裏征塵慙此登飛泉鳴澗壑佛閣出峻嶒枕石煩  
囂息捫蘿幽興增斜陽列萬帳俯視白雲層

泛舟遣興同書升在公



悶阻孤舟竟日留。閒乘小艇逐波遊。天邊寒鳥依依去。霜後殘荷故故浮。水國微茫纔有徑。荒村寥落况無秋。那堪早眺雲天外。賴我良朋共散愁。

登臥龍山

白孟新日用  
疊字似工部

試登絕頂御輕風。下瞰南天氣勢雄。百里鑑湖明鏡裏。萬家煙火畫圖中。北臨滄海看吳會。東指蓬萊認越宮。無限低徊懷古意。獨憐山色至今同。

澹處絕警淺人  
但賞其圓秀

湖心亭

湖上新晴好放舟。湖邊風景一亭收。四圍圖畫分明接。十里笙歌縹渺浮。荷裏開尊寧有暑。月明拂檻更宜秋。竭來登眺逢蕭瑟。却憶何人賦勝遊。

一結想見  
先生懷抱

訪林和靖墓

先生高尚在煙霞。門對青山湖作家。心遠惟思馴白鳥。時清曾不戀黃麻。數竿修竹尚搖影。幾樹寒梅自放花。處士名存三尺石。高風千載使人嗟。

秀色拂人襟袖  
如置身孤山

觀海

清秋碧海靜無埃。策馬觀濤半日來。萬疊銀山疑落照。一天紫霧走奔雷。往來至信存千古。吐納虛懷沒八垓。拜手望洋空浩歎。平生襟抱可能開。

能潤能險方能配得此題  
孟新日先生目空四海筆搖五

岳讀此具  
見一斑

登馬谷山

用壁間韻

登臨未惜馬蹄遙。乍見孤峰近海潮。秋色千家浮綠樹。苔痕



○思○忽○到○  
一逕入青霄南連岱嶽宗風遠北拱神州佳氣超洞口白雲  
奇勝處不知何地覓松喬  
高響穿雲山谷爲震○白孟  
新日典會高迴奴僕群山

釣突泉和韻

○筆○能○散○  
一水泓然貞郭斜冰心不染鬪鉛華飛來海外三珠樹散作  
明湖萬頃花樓閣參差低雀影荷蕖的歷沒鷗沙當年謝客  
登臨興詩思多應在晚霞  
他人便多斧鑿痕先  
生只是還他渾雅

石景山

○高○壯○復○深○警○  
一峰突兀峙河干蠟屐登臨春未殘高閣虛浮山勢動驚風  
俯聽水聲寒雲中官闕分明見杖底星辰取次看猶憶先皇  
此駐蹕傷心不忍過桑乾  
悠○然○無○盡○

戒壇

○鍾○鍊○精○工○  
佛閣峻嶒入望遙側身直欲逼雲霄燿燿四起松陰合石磴  
平欺馬足驕寶鼎名香來內府豐碑銀榜自前朝高僧說偈  
知何處塔影梵聲共寂寥  
思路警筆力健足配  
少陵玉臺觀之作

潭柘寺

太古名山絕境中深林窈冥若爲通諸峰面面蟠真氣一水  
悠悠弄晚風柘影千年還天矯碑文異代自穹窿探奇親見  
馴龍事始信空王象教功  
起結超異  
餘俱穩足

來青軒

峰峰迴合此峰幽選勝登臨最上頭俯檻乍疑雙闕雨憑高  
先得萬山秋到來鐘磬塵都靜坐入衣衫翠欲浮銀榜相輝  
雲物曉幾回徙倚更遲留  
筆墨整暇中却寫出空濛之  
致○西山四詩雄絕一代



遊盤山千像寺寺原名佑唐

佑唐山寺倚巘岼策馬行來磴道盤無數蒼松皆怒立將崩  
怪石各雄蟠輕雷遠送千峰雨欄水飛凌萬壑寒選勝登臨  
與未盡幾回搔首悵歸鞍字字淵大

宿袁老口聞有懷家慈

風急雲橫晚問津異鄉秋雨鴈聲頻遙知堂上稱觴會定憶  
舟中作客人讀之惻然

林幕雜述

入望嵐光翠欲流白雲深處隱層樓同人徒倚渾忘倦萬里  
風來碧樹秋  
輕雷纔過夕涼天萬帳星屯帶晚煙侵夜漏聲來客枕十年

憶侍玉皇前忠愛渾然

上陵禮罷亦從容退舍晴陰數列峰信是神皋多勝槩山山  
盡拱孝陵松推尊之語亦是實錄

白孟新曰先生振筆直書開拓心胸推倒知勇有司馬子  
長之風居平不其作詩每一落筆驚心動魄不作細響而  
與會所至又何覺然而高杳然而淡也予和世兄偶携數  
首過廣陵出示孝威歎為獨上因採入詩觀與世共賞  
嘗與王西樵論詩廣陵言滄溟詩典麗深渾得中原之正  
氣標詩人之雅宗絕非後輩浮響套語可幾其萬一今更  
趨而益下靡濫何自收拾乎讀水壺先生諸作格法既道  
識議復邁初盛風軌賴以復存但以白雪相換猶為皮相  
耳

王爾梅子和山東海豐人南遊草

至蘭谿

南國苦多雨今朝喜放晴展衣曝煖日欹枕聽江聲老樹沿



崗綠遙山映水明。蒼茫雲岫裏。幾許故園情。

秀穩

晚泊嘉興

日斜抵橋李蕭寺起鐘聲燈火移舟見星辰穿樹行近城喧  
爆竹到岸罷棋枰應對鴛湖月飄零酒一觥

詩心甚猛故語有光焰

嚴州道中

委宛山山藏路徑一灣行過一灣遮碧江百丈深深湧怪石  
千尋磴磴斜古寺傍崖多草樹扁舟過雨接煙霞挂帆喜值  
樵風便把酒惟應賞岸花

寫其真景却字字錘琢有功夫

夜

何處吹簫者哀哀怨暮雲客中腸已斷凄楚那堪聞

君樹恨

聞雁

靜夜遙聞雁音疑向北飛安能附汝翼同作一行歸

情至語

齊河口號

朔風吹面苦長征秋色衰林滿客程細雨過橋回首處一河  
遙隔故鄉情

是在齊河道上詩

界河道中

山路巉岼馬足驕秋風遊子意蕭條那堪雁語聲聲急樹色  
泉聲總寂寥

唐音

雨宿蘭谿

白雲掩映山嵐黑一鳥低平江面飛却值夜淡人定後滿天  
風雨下漁磯

此景難堪此詩絕唱

白孟新曰予于江都明府席上衆客喧闐時忽子和聞予  
笑語隔座大呼曰此其自神調昆仲耶何其聲之相似也

慎墨堂

寺見二集

卷之

三

詩集二集二

三

定本



子驚問子和因悉世誼翌日以詩見示予歎其情真語樸  
絕無支飾而吾友鄧子孝威更採其風秀入格者附于少  
宰公之後傳示竹巖令君應共歎賞

趙 嶷 國子江西廬陵人

潼關

大瀆分蒲坂。中原攬豫州。關河風日古。草樹渭潼秋。北望黃  
塵盡。西征紫塞悠。九封連百二。談笑制諸侯。

氣肅穆而聲宏亮此為沈

宋遺風

中條道上

太華餘青靄。中條互紫煙。關河渾不斷。秦晉勢相懸。隴首王  
官谷。巖邊傳說泉。秋聲蕭瑟裏。獨想聖人絃。

不屑為詩語瑣調獨見壯

高唱潤固是

崔 華 蓮生直隸平山人  
公餘詠

山遊紀勝

冲襟躡秋岑。日落千崖聳。孤嘯臨遠風。勢與江波動。輕策冠  
飛鳥。萬象接幽踵。寒姿結霜標。陰泉澹雲孔。橫攬空濛表。不  
知煙靄重。拂石憩古苔。撫松託修竦。江色在衣帶。寒濤坐來  
湧。

遠近即離問寫出奇怪

師子巖

崇巖吐青冥。光響限林谷。棲神迹未化。踐幽境轉肅。緣流亂  
水區。道石入雲族。忽與煙霧并。稍知日月伏。目恬天嶺交。心  
霽風霄穆。江海有端倪。乾坤不盈掬。儵然叩虛抱。松風媚幽  
獨。

倉然溪秀在延清遊五崖詩之上



合掌峰

奇峰闕天經合沓神化積密石涓細流陰霞蕩虛壁息心響  
空音萬象俱踐夕流景媚林姿歸禽度雲隙平挹遙海蒼俯  
瞻雙湖白空水倒群峰恍惚天地易洪幽撰耳目眺聽理勿  
隔永觀元化初於焉振霄翮

險與幽削  
幾絕逕路

咏史

戰國能得士獨有信陵君侯嬴既已死毛薛真其人諫使返  
大梁鑿鑿名教言紛然縱橫子誰能與之倫當其隱博徒目  
乃無平原識士良不易彼誠何足云  
仲連天下士區區負高名直欲致魏救帝秦匪所爭燕將守  
孤壘為書射聊城勸使東遊齊頗亦傷縱橫傲然輕富貴志

毛薛之識尚高侯  
生一籌此為卓論

乃高儀秦強作非自然安釐誠知人

看得極細極平  
乃令仲連頰首

燕丹志存燕報讐匪所亟七首遣荆軻不獨為刺客要使亂  
咸陽乘間合六國壯志去不還易水空蕭瑟嗟哉樊將軍授  
首曾不惜那知燕丹頭更向函關入

此屬天意人豈能  
為讀之輒為於邑

陸賈善藏身英雄有道術客從高祖遊辨士聊託跡功臣食  
報終賈乃肆微力說粵來遠人新語開文墨女主既臨朝諸  
呂勢傾側度不可口爭病免就家食斥賣橐中裝分金買田  
宅溪心出妙用交歡啓平勃功成身不有機智人莫測名之  
曰辨士毋乃非其質嗟哉子房儔千載誰能識

陸生深心  
密識妙能

出

越西行 收城後作



越西之疆古姑蔑南走滇黔右兩浙萬山廻合抱孤城一道  
 金溪沸奔雪狂氛一夜吹黑雲闔關以北無堅屯國家承平  
 三十載卒見烽火皆崩奔彈丸小邑千巖底踏之直用靴尖  
 耳城存與存亡與亡不死猶圖報天子奔走風塵萬嶺間  
 嗟指血濺蟠桃山浮圖一矢賀蘭志誓不與賊生同天仰天  
 叩心天鑒此收城豈雪生民耻百里提封謝主恩孤臣待  
 罪甘心矣十年長吏愧蒼黎亂後還驚有子遺君不見月波  
 亭上清秋魄依舊含情照越西  
甲寅之變名城大都委棄畧盡公能慷慨以收復為

念英風灑氣  
 具見此篇

過吳門

煙樹吳閶道重來十二年一官經亂久五馬奉恩偏津月江

亭柳宵鐘使客船王程知有限飛夢越山川

京口

京口千帆集江天一望遙人燁沙市沒樓閣海雲飄瓜步連  
 春雨蕪城隔暮潮何人夜吹笛風月坐蕭蕭  
神韻獨生

竹西亭

歌吹揚州路西亭舊足誇香風散羅綺夜月寫琵琶畫鷁停  
 深柳春城覆落花追思全盛日腸斷玉鈞斜  
章法絕妙

吳門道院彌羅閣

飛閣層霄迥獨攀凌虛憑眺俯人寰金鋪晝暝棲雲霧碧落  
 風輕禮珮環檻外天低吳苑樹牕中人倚洞庭山花洲錦纜  
 知何處千里毘陵一雁還  
玲瓏森秀絕似錢員外



施愚山太史黃仙裳茂才小集署齋次仙裳韻

誰將凍柳折隋河入座荷裳映玉珂訪道十年投分晚披襟

二妙飲醇多春回官閣舒芳萼霜老龍門挺舊柯度歲此間

容掃榻陽關不遣樂人歌足稱良宴會矣詩自秀婉人情可調琴瑟

題畫

阻崖窮天垂石壁根寒水曳杖林端人雲中辨山寺

嵐翠落空江猿聲啼不住明月照漁舟繫纜青楓樹

畫圖畫亦不到

維揚感懷二絕句

瓊花明月廣陵遊猶說當年錦纜舟一自仙英歸玉府空留

明月照揚州愜甚復韻甚

燈船歌管醉春嬌不夜邦溝廿四橋三載鴻嗷秋月冷蕪城

何處聽吹簫太守之言

已未出都抵里門值水旱頻仍支吾萬狀會有文章太守

如公者來蒞邦江亦未遑修謁壬戌春始得覲慈顏而公

歡然倒屣有知舊識吾友黃僊裳亦出其公餘詩見示蒼

古秀雅獨造峯巔且忠愛悱惻之意具形毫楮其六一芳

風再見今日乎宜金長真田

程端德午公鼎菴江南休寧人

海陵小泰山謁岳忠武廟

蓬根了不存軍情洵孔棘壘土崇高山神機未易測金人甫

撤圍追騎隨相逼旗翻晝日黃塵蔽春雲黑泰民幸生全存

裡而報德一時殫精忠千秋綿血食英風亘古今浩氣天淵

慎墨堂



舟泊東城同叔公麟登岸小憇

孤舟何處泊燈火半東城。夜景巢鳥集，更殘促織鳴。岸通村

野澗林隔小橋橫。散步驚農父，風淳味自清。適閉

同陳彥超泛舟遊狼山

約伴白狼遊，同登一葉舟。遠爐連曲水，新岸入滄洲。村僻雞

聲午，林深蟬語秋。停橈纔谷口，日色已西流。不假修飾自然娟好

黃僊裳惠顧畱飲息菴

庭堦初月上，夜寂未聞鐘。貫酒嫌宵短，論詩喜與濃。蛩吟依

敗壁，鶴夢在高松。自覺難為別，明朝還過從。詩境最幽詩情最潔

田家酒熟招飲

秋深農事畢，放犢罷躬耕。酒熟邀朋至，魚鮮對客烹。林風無

限爽，山月有餘清。老我田家趣，何須語獨醒。蒼健有陶家風味

秋客楚中曹石霞邀訂詩會

鹿門卜築與塵違，客路秋蛩絮釣磯。才愧吳蒙交，又晚名高

子建，調應稀。難隨黃鵠翔霄漢，得採芳蘅慰渴饑。三十六峯

仍有約，雲深須記故人扉。神情殊妙

姑蘇訪季履公安二叔喜逢公望弟

十年遙盼鱗音杳，方晤其如欲別何。漏永不妨歸夢遠，燭殘

轉惜旅懷多。謾將離恨吹楊柳，且把閒情掛薜蘿。一歲兩番

還梓里，子情克盡耐風波。秀氣拂人

隣舟度曲

晚涼江上靜，蘆漪忽聽篷窗玉。笛吹拂水清音，淒夜月繞燈



餘韻宕寒颺若非少婦春閨怨定屬遊人客路悲心事忽來  
愁不寐青樓應有夢相隨  
情事旖旎  
一筆不俗

東元道人潤州

松○正○練○六○各○盤○桓○竹○榻○茅○齋○久○已○安○舊○語○不○離○今○日○夢○新○詩○  
那○得○故○人○看○相○逢○在○昔○猶○言○易○良○晤○於○茲○始○信○難○豫○擬○潤○州○  
同○剪○燭○寒○香○分○韻○繼○餘○歡○  
○似○松○圓○  
清思逸致  
一往絲絳

澹石

一山之水皆歸山門長三丈許曲折而出狀  
若白龍為澹石勝觀半作禪林餘屬荒廢

堪○惜○名○園○半○作○墟○我○來○未○及○盛○隆○初○笙○歌○久○散○春○遊○後○僊○梵○  
恒○清○午○夢○餘○玄○燕○何○曾○尋○舊○主○白○龍○猶○自○繞○荒○廬○山○房○渾○倚○  
青○霄○上○殘○磬○聲○畱○過○客○車○  
全于荒廢  
上着想

舟泊田鎮

白○鷗○浮○水○面○危○石○臥○江○邊○秋○盡○寒○增○色○林○楓○照○客○船○

寫景  
自然

柳

二○月○春○和○柳○漸○肥○杜○鵲○聲○裏○喚○人○歸○遊○踪○多○在○長○江○北○空○向○  
江○南○怨○落○暉○  
別腸  
妙筆

集范平淵北園四首

幽○意○猶○如○野○鶴○孤○忘○餐○知○是○有○水○厨○蟬○聲○噪○得○空○庭○晚○坐○待○  
涼○生○月○到○梧○  
入○門○欲○似○行○深○谷○一○帶○濃○陰○低○覆○屋○荷○葉○如○盆○未○見○花○小○亭○  
斜○抱○千○竿○竹○

意○淡○神○清○形○若○木○離○騷○終○日○醉○還○讀○若○問○遊○人○無○姓○名○家○在○  
黃○山○三○十○六○  
老



山雞唱午啼還歇。池小纖鱗嘗出沒。與君暢飲不須論。畱取風情看新月。四首幽情古意迷離如畫

山齋話雨

山房花謝坐無聊。塵拂風清暑漸消。半榻黃庭摹未了。一簾疎雨寫窗蕉。幽致殊在人意外

同夏仲蜚遊太平十寺題五明禪室

約伴登山力漸微。入門時有鼎爐飛。老僧酣睡回廊下。啼鳥聲聲喚客歸。山靜如太古。是此風景

同張彭子訪吳季房為踐梅花之約

一泓溪水分南北。半畝荆扉便是家。隣老相探無外事。春前會約看梅花。不須更下註脚

乙卯初度避迹齊雲黃庭道院敬我持冊索題

石壇松老半欹根。夜待歸雲不掩門。萬慮條然從此寂。獨聞鐘磬伴晨昏。

古莊偶題

山上源通綠滿池。浮歸樹色影參差。花前好鳥憐春色。幾欲啣來再上枝。思巧語妙

柳山莊

疎林曉色動秋暉。落葉山腰暑力微。秫老稻香新釀熟。柴門犬吠喜人歸。神游其際。何況朝川

程瑞禴孚夏雲峯江南上元籍休寧人

途中懷諸弟



辭親悲遠道忍淚強登程在路猶懷弟居家應憶兄生涯寧  
憚苦世事未多更但博豈闌笑他鄉慰子情  
弟詩以慈闈

起結方有原本

抵杭州江干

是錢塘風景

一葉到江汀江樞開正明潮來迎客棹雲起罩山城投岸閒

愁釋開尊旅况平薰風容繫艇矚目總關情

友人招飲秀埜園

避迹橋邊寺相尋城外遊開扉臨野水攀柳過芳洲地僻喧

沙鳥窗明艷海樞自然成爛熳况復意相投

黃僊裳日氣完格渾居然

音唐

壬戌五月三日有感是先君子生辰

念我先君子傷心又六年夢猶依膝下影不到庭前詎忍見  
蒲酒無由澆墓田窗樞明似火相對淚潸然  
一味樸老乃見至情

過釣臺

高名千古富春山詎似勳庸瞬息間薜榻尚畱今日翠羊裘  
想見昔年斑雲臺那及釣臺逸白水不如桐水閒欲擬高標  
難彷彿聞風直欲起廉頑  
予過釣臺有句曰雲臺爛勳庸  
遊蹤讓漁釣正與乎夏此作同

意

泊王江涇

舟橫野浦臥沙明五月涼生景倍清燈火照波螢亂點鳧鷖  
隔岸夜無聲千林桑葉畱人採萬頃湖田待雨耕記取東風  
還有意酒旗吹向闔閭城  
秀色紛披一結尤為攬勝



夜過姑蘇

帆落蘇臺薄暮天愛茲風景却疑僊人攜綠酒開高閣客倚  
青山看画船兩岸笙歌燈漸暗千家簾幙月微圓停舟欲發  
登臨興白傅隄邊路悄然

吳閨夜景寫得嫵媚可愛  
想見白太傅劉賓客當年

送民葵叔先歸

天涯話別起離憂心緒紛紜不自由同客江南先返棹獨留  
海曲等浮鷗萍蓬難久他鄉集雲樹應添此日愁歸見倚閭  
煩說向先疇待闌尙勾留

詩筆最老詩情最苦  
可云盡洗粉黛之習

感懷

嚴冬客况不堪云那得新詩遠寄聞旅夜難禁滴寒雨家山  
回望隔層雲芳梅傳我迢遙信大被憐兄咫尺分

伯兄寓  
崇川 愁

聽孤飛天外雁聲聲嘹唳悵離群

清思苦緒紛來紙上何  
減二蘇連牀聽雨時

壬戌春訪黃僊裳先生因次僊舟圖韻

一自登龍折簡時陽春頓令解寒威神交十載心難釋量許  
千波事可幾黃石至今留圯上巖陵仍復老漁磯應知 聖  
主求賢急翰苑風流半布衣

黃僊裳日推與過量然如  
此篤于義舊海內正少  
限樓字

譙沈國望憲副宅議重建靖海樓

曩時良譙集高丘猶記城端百尺樓極望西南連蜀脉平臨  
淮海接瀛洲何年敗壁寒蟲絮一塢陰風野樹秋賴得使君  
修廢墜矜看輪奐鞏金甌

字字  
秀雅

得家書

兩弟郵傳書數行北堂近日鬢添霜翻憐遊子心偏感那得



殊方殊在傍兩妹一燕謾說關情多涕淚幾會入夢忘家鄉  
何時得遂歸庭願菊綻東籬滴露黃詩忌瑯刻况在骨肉之間如此清空一氣  
真是難得

題画

遠樹兩三家溪流但落花偶逢溪上叟坐話夕陽斜詩已

卽事

忽作還家夢分明兒讀書醒來多絮語猶爲勗三餘想見門風

然藹

月夜卽事

春深高閣謾吟詩清夜無由寄故知樽酒自斟還自酌杜鵑  
枝上月明時天然風韻

題蝴蝶帳

分明斗帳影徘徊也向床前戀画梅幾度採香花裏去今宵  
應入夢中來有神無迹已臻唐絕佳境

砧聲

搗衣聲遠夜沉沉靜聽還疑空外音敲月那堪連復斷遊人  
盡起故鄉心情語恰好

隋堤懷古

當年帝子愛妖嬈不斷笙歌廿四橋此夕隋宮人不見月明  
猶聽一聲簫固是惱人

夏日俞錦泉中翰招飲東園觀家劇次韻

鬢影衣香出閣時舍人綵筆画雙眉仍聞教曲聲聲妙不用

○嬌○弱

慎墨堂



琵琶訪段師

當場宛若杜秋娘。何處斑駁到陸郎。一寸狂心誰按得。欲移綺席坐箏傍。

同向東園作醉鄉。鳳池人復擅詩狂。殘更自請雷髡住。清夢依依繞画堂。

僕謂此等題看情語不得然如乎夏言情又復點睛欲飛令人歎折鼎菴篤嗜風雅壬子春蒙折節下問僕謝不敏且告之日此間黃子僊裳深于詩學僕之畏友于曷就而商于秋之業自此兩君氣誼符洽談詩數晝夜不倦今年夏僊裳忽偕一客來則曰程君乎夏者乃鼎菴令似作詩有家法聲滿吳越間者也予覽其詩始而瑯華繼乃進于清樸秀雅逼真嘉州右丞一派因喜而付諸梓然非僊裳予不知乎夏樂道人善固如是耶



